

ACTA ERUDITORUM

publicata Lipsiæ

Calendis Novembris Anni MDC LXXXVII.

MUSEUM ITALICUM, SEU COLLECTIO

veterum scriptorum ex bibliothecis Italicis, eruta a

D. Johanne Mabillon & D. Michaeli Germain presbyteris

& monachis Bened. & in. congreg. S. Mauri.

Tomus I.

Parisiis, apud Johannem Boudot & c.

1687, in 4.

Primus Musei hujus Italici tomus, quem quatuor aut quinque alii sequentur, in duas partes distinctus est, quarum prima iter Italicum, altera varia Patrum opuscula & vetera monumenta cum Sacramentario & Pœnitentiali Gallicano completitur. Italiam biennio post iter Germanicum, in Actis nostris Cal. Jan. 1686. p. 18. memoratum, *Joh. Mabillonius* ejusque comes *Michael Germanus*, hortatu Caroli Mauricii Tellerii Remensis Archiepiscopi, Regiis sumtibus eum in finem perlustrarunt, ut collecta inde supellectile libraria & Regiam bibliothecam auctiorem, & universam rem literariam illustriorem redderent. Cœptum est hoc iter Cal. April. 1685, & mense Julio sequentis anni absolutum, adeoque eodem ferme tempore susceptum, quo *Burnetus* quoque, cujus peregrinationem Italicam superiori mense recensuimus, varios Itolorum mores conspexit & urbes. In eo autem a Burneti relatione Mabilloniana differt, quod omisso statu civili & politico, circa rem literariam tanto diligentius versetur. Nos Autoris vestigia ita

Ffff

seque-

tequemur, ut instituti nostri memores in magna, quæ hic occurrit, observationum copia qualemcunque selectum habeamus.

Augustæ Taurinorum in palatii bibliotheca, ductu Abbatis *Gualtherii*, præter alia monumenta, *Pyrrhi Ligorii* opus autographum de numismatibus variisque inscriptionibus ac statuis, in sex & viginti volumina distributum invenerunt, quod Carolus Immanuel I Sabaudia Dux octodecim millibus ducatorum comparavit. Ritus flagellationum publicarum, die passionis Dominicæ ibidem solenniter peractarum, ad spectaculum potius fieri, quam ex sincero dolore proficisci non dissimulant.

Vercellis in sacratio ecclesiæ cathedralis, asservari notant veterrimum codicem membranaceum, evangelia S. Matthæi & Marcii continentem, qui ab *Eusebio Vercellensi* Arianis certaminibus incluto scriptus creditur. Archivum ejusdem ecclesiæ Mabillonio ejusque socio Germano inspicere minime licuit, etsi ob *Attonis* episcopi opera ab *Acherio* ex imperfecto codice vulgata, magno ejus perlustrandi desiderio tenerentur.

Ambrosianam bibliothecam, quæ *Mediolani* est, omnes Italianas, si Vaticana excipiat, superare scribunt. Ex antiquis codicibus ibi repertis, præ aliis commendant *Josepbum*, seu potius *Josephi* interpretem *Rufinum*, etsi mutilum & a compactore valde confusum; e recentioribus *Leonardi Vincii* pictoris excellentissimi opus autographum duodecim voluminibus distinctum, & a Jacobo I Angliæ Rege tanti habitum, ut pro uno, quod bellicas veterum machinas exhibet, aureos ter mille Hispanicos obtulerit. Quæ de manuscripto *Egesippi* codice observantur, confirmant assertionem *Colomesii*, quam ex ejusdem appendice ad Chartophylacem ecclesiasticum in actis nostris Cal. Nov. 1686 p. 552 recensuimus.

In museo *Francisci Septale* plurimis rebus curiosis referto, de quo singularis liber Dertonæ vulgatus extat, indicem reliquiarum, quæ Romæ tempore Gregorii M. extiterunt, in charta Ægyptiaca exaratum legerunt & descripserunt. Inter statuas ecclesiæ majoris, quæ ad quatuor millia numerantur, cæteras omnes antecellere referunt statuam Bartholomæi detractam cutem gestantis. Ridentum esse censent, quod ad serpentem ancunt, qui in basilicæ Ambrosianæ navi super columnam erectus est, matronæ Mediolanen-

ses feria secunda Paschæ infantes suos morbo laborantes sistere solent. In monasterio *Caravallensi*, quod passim mendose *Clavallense* dici animadvertunt, quatuor milliaribus ab urbe distito, offenderunt disjectum tumulum *Guilhelminæ* Boemæ anno 1281 mortuæ, & per aliquot annos pro sancta habitæ, sed tandem compertis ipsius præstigiis anno 1300 exhumatæ & combustæ. Qua occasione referunt, *Johannem Petrum Puricellum* in dissertatione de *Guilhelmina* ejusque affectis inedita & fortasse nunquam edenda, quæ cum aliis ejus scriptis in *Ambrosiana* bibliotheca asservatur, contra *Donatum Bossium* contendere, *Guilhelminæ* sectam non fuisse corporis spurcitiis, sed mentis tantum deliriis infamem; siquidem ex publico inquisitionis instrumento pateat, affectus ejus primarios, *Andream Saramitam* & *Mayfredam Pirovanam* docuisse, quod *Guilhelmina* esset *Spiritus Sanctus* in sexu foemineo incarnatus e *Constantia Bohemæ Regis* uxore; quod ipsa esset resurrectura ante universalem resurrectionem, & discipulis videntibus in cœlum ascensura; quod sibi reliquisset vicariam *Mayfredam* ordinis *Humiliatorum monacham*, quæ ad tumulum *Guilhelminæ* missam celebratura esset, & *Romæ sedem apostolicam* occupatura, & *Cardinales* dejectura, quatuor item sapientes habitura, qui nova evangelia scriberent. *Aronam* cum commendatitiis *P. Monelia* profecti, antiquum codicem librorum de imitatione Christi inspexerunt, in quo opus illud quinque *Johanni Gersen* abbati attribuitur. *Verona* in museo *Francisci Moscardi* varias inscriptiones aliaque ἀξιωματικῶν observarunt, quo duce etiam *Academiam Musicorum* seu *Philharmonicorum*, & amphitheatrum *Augusti ævo* a *Veronensibus* conditum perlustrarunt. *Vicentiæ* a *Johanne Martio Cerchiario*, quem patriæ suæ antiquitatibus colligendis nunc incumbere tradunt, cum nonnulla istarum antiquitatum specimina petiissent, nihil præter inscriptionem a *Grutero* jam vulgatam impetrarunt.

Ex historia *Fr. Ptolomæi de Luca*, quam *Patavii* in bibliotheca ecclesiæ cathedralis pervolverunt, probare contendunt, *Martinum Polonum* *Nicolai III Pœnitentiarium* & deinde *Gnesnensem* in *Polonia Archiepiscopum*, primum esse fabulæ de *Johanna Papissa* auctorem. Addunt ex *Herchemperto* non dissimilem narrationem de foemina sub masculino habitu patriarchatum *Constantinopolitanum*

tanum gubernante, cujus Leo IX in epistola ad Michaellem Cerularium mentionem faciat. In ecclesia ad S. Antonium viderunt mausoleum *Octavii Ferrarii* cum hoc epitaphio: *Octavio Ferrario Mediolanensi, in quo ornando & extollendo magni Reges ac Principes certarunt. Veneta Respublica præter alia decoramenta bis mille florenorum honorario auxit. Ludovicus Magnus Francorum Rex sponte annuorum quingentorum congiarium diu indulgit: Christina Augusta equestri insigni extulit. Ille Regum opes ac munera animo aequans, facundia, fide & consilio invidiam aut vicit; aut gloriæ incitamentum habuit. Septem & quadraginta annos cum admiratione auditus est: quinto & septuagesimo obticuit, quamdiu literis honor constabit, scriptis apud posteros locuturus. Julius Ferrarius P. M. M. P. Anno M. DC. LXXXIV.* Addunt, nullum hæcenus tanti viri cathedram de politiori literatura occupasse, ut ejus desiderium & meritum inde augetur.

Cimeliis templi, quod S. Marco dedicatum *Venetis* visitur, omnibus præferendum censent *Evangelium S. Marci*, si, quod vulgo traditur, propria ejus manu exaratum esset. Alterum quoque evangeliorum librum ostendi & *Johanni Chrysofomo* tribui, sed, ne de rei veritate periculum fiat, hos libros sigillo obsignari nec cuiquam aperiri referunt. E bibliotheca S. Marci supplem inscriptionem de *Lappæo* *Cretæ* oppido, cujus duo priora vocabula tantum apud *Gruterum* & *Harduinum* extant. *Georgiani* monasterii, cujus historiam ineditam *Italice* ac *Latine Fortunatus Ullmus* composuit, nitorem & munditiem dum commendant, apud Gallos suos templorum parietes sordido pulvere, & fenestrarum angulos aranearum telis inquinari obiter queruntur. Invitationem in ædes *Job. Baptistæ Cornelii* Procuratoris D. Marci dum grata mente recolunt, hac occasione ejusdem filiam *Helenam Lucretiam Corneliam Biscopiam*, quinque præter maternam linguarum peritam, d. 26. Jul. A. C. 1684. anno ætatis 38. defunctam, & *Patavii*, ubi & Doctoris titulum meruerat, in monasterio S. *Justinæ* inter monachos sepultam insigni elogio celebrant, ejusque epitaphium describunt, in quo inter alia refertur, quod summus Pontifex *Innocentius XI* & *Johannes III* *Poloniæ* Rex literis apostolicis & regiis eam visitaverint, nec non *Romanorum* Imperator *Leopoldus* & *Carolus III*

Lotharingæ Dux aliique Principes, fama & scriptis ejus permoti summis laudibus & honoribus eandem cumulaverint. Antequam Venetiis abirent, triste de obitu *Luca Acherii*, Spicilegio aliisque scriptis notissimi, quem agrum Parisiis reliquerant, nuncium acceperunt. In *Ravennatensi* ecclesia antiquum *Cypriani* & alterum *fidei Nieneæ* codicem, quos olim *Ambrosius Camaldulensis* ibidem viderat, non amplius superesse scribunt. *Ocricolis* ad ingressum ecclesiæ primariæ inscriptio legitur, quam apud *Smetium* & *Gruterum* mendose haberi notant, cum pro *Aurelius Faustus prot. divinitate*, legendum sit: *Aurelius Faustus protector divini lateris*, i.e. Imperatoris.

Vix ullam fuisse in tota Italia bibliothecam ajunt, ad quam faciliorem accessum habuerint, & Romæ vix ullam, ex qua magis profecerint, quam *Christinæ* Reginæ bibliothecam, continentem ex recensione *Luca Holstemi* codices antiquos 2145 a Regina undiquaque, comparatos. Veterum picturarum reliquias *Petrum de Sanctis* undiquaque ex Romanis monumentis collegisse tradunt, ad easdem æri incidendas paratum, si quis laboranti opem ferat, quod a sui Regis magnificentia expectant. In claustrum *Lateranensi Basilicæ* adjuncto, tres sellas confuse cum varia suppellectile conjectas offenderunt, in quibus Pontificem recens creatum olim collocari usitatum fuit, unam ex marmore albo, quæ stercorearia vulgo dicta fuit, & duas porphyreticas easque pertusas. *Stercorariam* autem dici ajunt, non a forma, cum pertusa non sit, ut duæ reliquæ, sed quod in porticu basilicæ exteriori constituta esset, & Pontifici in ea sedenti accinerentur verba Psalmi: *suscitat de pulvere egenum, & de stercore erigit pauperem*. Reliquas duas, in quibus Pontifex ad capellam S. Sylvestri prope Lateranense palatium perductus sedere consuevit, in una quidem ad dextram claves basilicæ a Priore S. Laurentii accipiens, in altera ad sinistram easdem claves Priori restituens, eam ob causam pertusas esse censent, quod in antiquis Romanorum thermis inventæ, & ob materiæ pretium potius, quam ob formam, ad novi Pontificis inaugurationem adhibitæ fuerint. Addunt, primam illarum mentionem fieri apud *Cencium*, uno seculo ante Martinum Polonum, quem iterum primum fabulæ de Johanna Papissa autorem faciunt. Cùm vero ritus ille, qui ad altius insinuandam Pontifici humilitatem

introducitur fuerat, post receptam de Pseudopapissa fabulam infamis evaserit, penitus abrogatum illum fuisse observant, idque seculo superiore post Leonem X contigisse putant. Similem fellam pertusam exporphyrítide in crypta montis Casini postea viderunt, ex qua *Constantinus Cajetanus* probare conatur, Pontifices post consecrationem Romæ factam, Casinum proficisci solitos, ibique totum inaugurationis actum fuisse repetitum. Sed *Angelus de Nuce* solum seu fellam balnearem fuisse existimat. Facile crediturum se addit Mabillonius, novos Abbates Casinenses exemplo Pontificum R. in eam fellam repositos fuisse, si aliqua hac de re testimonia suppetent.

Duplices Romæ de rebus ad historiam & doctrinam ecclesiasticam pertinentibus collationes fieri narrant, unam prælatorum & clericorum secularium in collegio de propaganda fide, per singulas quindenae vernaculo sermone; alteram religiosorum singulis mensibus in ecclesia S. Cosmæ latino. Ad utrasque Mabillonius & Germanus invitati, imo ad dicendum quoque provocati, maxime per *Johannem Pastricium* præfectum collegii de propaganda fide, qui ipsis aliquando narravit, *Leonem Allatum* ad Græce scribendum, quod expeditissime fecerit, unico per quadraginta annos calamo usum, eoque tandem amisso tantum non lacrymasse. Idem Pastricius asseruit, *P. Macedonem* Minoritam ad impugnandum Cardinal. *Bonam* ex ea maxime ratione impulsam fuisse, quod cum Bona viventes autores in suis scriptis passim laudaret, nusquam de Macedone mentionem fecisset. Inter codices bibliothecæ Vaticanæ, quam celeberrimo præfecto *Emmanuele Schelstrateno*, & *Laurentio de Zaccagnis* altero ejus bibliothecæ custode faventibus perlustrarunt, majoris pretii esse censent antiquissimum *bibliorum* codicem, in quo testimonium de tribus personis i. Joh. 5. desideratur; item *Chronicon Alexandrinum*, & ex recentioribus *Sirleti* Cardinalis, itemque *Onuphrii Panvini* apparatus ad historiam ecclesiasticam, quibus Baronius usus est. In Germaniæ decus cedit, quod itineris hujus Italici autores, occasione typographiæ apostolicæ, ex *Johannis Aleriensis* epistola ad Paulum II probant, Conradum & Arnoldum Germanos primos artem typographicam Romam invexisse. *Patrum Oratorii Vallicellanae* ecclesiam demumque sapissime

a se frequentatam dicunt, ibique indies quatuor adhortatorios sermones de rebus sacris fieri memorant. Ejusdem loci bibliothecam, qua *Baronius* & *Raynaldus* ejusdem domus alumni usi sunt, *Leandri Colloredi* bibliothecarii beneficio non semel perlustrarunt, indeque non pauca in rem suam collegerunt. Ex antiquioribus ejus bibliothecæ codicibus est, qui acta apostolorum, epistolas canonicas & apocalypsin comprehendit. Præfigitur epistolis canonicis absque autoris nomine prologus Hieronymi conquerentis, quod in prima Johannis epistola testimonium de unitate Trinitatis ab infidelibus translatoribus prætermisum sit, & tamen in ipsius epistolæ contextu testimonium hoc omittitur, qualia exemplaria etiam alibi a *Burneto* observata sunt. Ad Collectionem rituum Romanorum, cujus editionem Mabilionius meditatur, multa sibi a Cardinali *Casanata* communicata deprædicant. Dum in S. Callisti monasterio versarentur peregrinantes nostri, allatus est ex S. Pauli archivo pretiosus bibliorum codex, cui præmissa Caroli Francorum Regis effigies, quam non Carolum M. ut *Nicolao Alemanno* in libro de parietinis Lateranensibus, *Cornelio Margarino* in collectione inscriptionum quæ apud S. Paulum extant, & Archiepiscopo Rosanensi in dissertatione singulari visum est, sed Carolum Calvum representare censent. De *Michaele Molino*, qui ipsis adhuc Romæ morantibus comprehensus est, referunt, quod liber ejus, qui *Manuductio spiritualis* inscribitur, Hispanice primum, & deinde Italice multoties Romæ editus fuerit, indeque conjectores intulerint, *Molinum* non tam ob vulgati libri doctrinam, quam ob scriptas ad diversos epistolas, aut ob pravas ipsius sententiæ interpretationes a suis assediis factas, in carcerem conjectum fuisse, ex quo ipsorum augurio non facile se extricabit.

Ad hortos Montaltenfes a *Ciampino* & *Fabretto* deducti, dono acceperunt a *Ciampino* delineatas cujusdam tumuli prope Neapolim reperti figuras duas, quibus baptismus per immersionem simul & superfusionem ab homine laico collatus exhibetur. *Fabrettus* novam veterum inscriptionum ab editis diversarum collectionem a se factam iisdem ostendit, suumque de aquæ ductibus librum & alterum de columna Trajani liberaliter donavit. Cum de libro *Diurno Pont. Romanorum*, cujus exemplar Romæ invenire magno-

pere

pere avebant, hominem quempiam doctum interrogarent, ab eo responsum est, *Hilarionem Rancatum* Cisterciensem, Ughelli præceptorum, antiquum ejus libri exemplar habuisse, idque *Holstenium*, cum commodato accepisset, una nocte exscripsisse, & publicare voluisse, sed impressionem prohibitam fuisse. Tandem vero votis suis potiti Benedictini nostri Fratres, veterem Diarni codicem repererant, ex quo Garnerianam editionem multis in locis emendari novisque formulis augeri posse scribunt. Bibliothecæ Altaempenfis libros editos magna ex parte distractos, manuscriptos adhuc venales ad duo millia superesse narrant. In festo assumptæ Virginis missæ solenni in Collegio Græcorum ab Archiepiscopo ejusdem nationis celebratæ interfuerunt, ejusque ritus breviter describunt. Sudarium impressam Christi imaginem referens, quod in solenni quadam processione spectantium oculis oblatum est, veteres *Veronicam* appellasse, quasi veram iconem seu iconiam Christi, ex *Petri Mallii* libro inedito de basilica S. Petri, aliisque autoribus contra eos probant, qui *Veronicam* nomen pientissimæ cujusdam matronæ esse dicunt, quæ in sudario suo Christi imaginem impressam susceperit. *Josephum Thomasium*, clericum regularem ex Ord. Theatinorum, qui sua de ritibus sacris collectanea ipsis communicavit, post vulgatos libros liturgiarum & psalterium, nunc edendis vetustis responsorialibus & antiphonariis invigilare docent.

Bibliothecam angelicam Patrum Augustinianorum Mabillo-
nio & Germano reſeravit ejusdem Præfectus *Josephus Sabbathinus*,
qui nescio qua incuria in actis nostris mensis Julii 1683 p. 307. Vati-
canæ bibliothecæ præfectus dicitur: quem errorem corrigendum
esse hic obiter animadvertimus. Inter recentiores codices hujus
bibliothecæ occurrunt omnia acta autographa congregationis
de auxiliis sub Clemente IX & Paulo V, quibus præter alios adfuit
Jacobus le Bossu S. Dionysii monachus, a cognomine ejusdem loci
Priore distinguendus. In Chigiana bibliotheca, cujus præfectus
est *Thomas de Julis*, omnibus codicibus præstare censent Græcum
ab annis minimum octingentis scriptum, continentem quatuor
Prophetas majores, & breve commentarium in somnium Nabu-
chodonosoris a *S. Hippolyto* martyre & episcopo compositum. De
bibliis

ibibliis polyglottis Parisiensibus in eadem bibliotheca extantibus referunt, quod tres bibliopolæ Belgæ, recuso operis titulo & nova epistola nuncupatoria præmissa, Alexandro VII fucum facere voluerint, quasi hæc editio in ejus gratiam nunc primum prodiret, quæ jam pridem Parisiis impressa fuerat. Ex *Alphonsi Ciaconii* epistolis, quas eadem bibliotheca suppeditavit, observant, ipsum a censoribus impetrare non potuisse, ut bibliotheca Scriptorum ecclesiasticorum, quam collegerat, typis imprimeretur.

Urbis *Neapolitanæ* decora duce *Valletta* viderunt, cujus instructissima bibliotheca imprimis ipsis placuit. Apud *Puteolanos* hunc regnare abusum referunt, ut mares & foeminae conjugium appetentes, ante solennem benedictionem ad unum duosve aut tres etiam annos simul conveniant. Bibliothecam Augustinianorum in cœnobio S. Johannis de Carbonaria cæteris Neapolitanis, quoad veterum librorum apparatus, palmam præripere judicant. Inter Græcos codices comparuerunt *Gemistii* opera, *Procli* in Platonem commentarius &c. inter Latinos codex antiquissimus *Hieronymi* & *Genadii* de Scriptoribus ecclesiasticis, *Priscianus* de laude Anastasii Imperatoris, *Terrulliani* carmen de Jona &c. Varia quoque hic invenerunt *Sirleti* collectanea pro concilio Tridentino, item *Ægidii Viterbiensis* historiam autographam viginti seculorum per totidem psalmos digestam, cum quibusdam *Seripandi* observationibus & emendationibus, nec non *Ægidii* varias epistolas per Serephinum Eremitam Augustinianum in unum collectas, e quibus præcipuas descripserunt. Verum dum cæteris exscribendis darent operam, bibliothecarius alias atque alias causas finxit, ne ulterius in bibliothecam admitterentur. Elegantiores, sed vetustis libris minus refertam esse ajunt bibliothecam *Olivetanorum*. Mausoleum *Sannazarii* ad Pausilypum in villa ejus suburbana Mergellina, quam extructo templo Virgini parturienti & S. Nazario vivens nuncupaverat, magnifice extructum eo nomine minus placuit, quod pone altare sub dimidiata Sannazarii effigie astarent Apollinis & Minervæ statuae, ludentibus in medio Satyris; etsi posteri, quos gentilismi in mediis aris puduit, sub Apolline Davidis & sub Minerva Judithæ nomen apposuerint.

In bibliotheca *Montis Casini* inter alia inedita invenerunt li-

brum Scintillarum seu sententiarum, quas e catholicis Patribus excerptit *Defensor Grammaticus* & monachus Locociagensis apud Pictones, ut cætera taceamus. Ex martyrologio veteri didicerunt, *Thomam Aquinatem* Casini monachum fuisse, antequam ad Dominicanos transfret. Codicem variarum epistolarum ad concilium Ephesinum pertinentium & a *Christiano Lupo* editarum inquirentibus responsum est, Romam fuisse missum. Verum postea nec Romæ quicquam aliud de eo resciscere potuerunt, quam quod in palatio apostolico asservetur. Ejusdem codicis copiam *Baluzium*, cum novam conciliorum collectionem ederet, impetrare non potuisse, in actis nostris A. 1684. p. 354. jam notavimus.

Romam altera vice adeuntibus *Schelskratenus* codices concilii Constantiensis ostendit, quibus contra *Maimburgium* usus est. Ex *Barbarina* quoque bibliotheca, qua nullam Romæ post Vaticanam numerosiorem esse scribunt, haud pauca observarunt. In festo S. Antonii ad ecclesiam Patrum Gallorum prope S. Mariam majorem insolitus ipsis ritus visus est, ut quicquid equorum est in urbe, cum suis phaleris ad plateam ecclesiæ ducatur, ubi ab uno Patrum omnes & singuli aqua lustrali asperguntur, dato annuo censu. Qui secus faxit, si quid equis adversi contigerit, id piaculo vertitur. Ocasione inscriptionis in cœmeterio Callisti repertæ, & in Roma subterranea editæ, contra *Dodwelli* dissertationem de paucitate martyrum argumenta aliqua proferunt. Præter bibliothecam Pontificiam, quæ in Vaticano habetur, alia Vaticanæ Basilicæ propria est, cujus custos *Josephus Balduinus* Mabillonio ejusque comiti Germano facilem aditum concessit. Eadem die in Indicis Congregatione, *Johannis Launoji* liber de regia in matrimonium potestate, sententiam dicente Pallavicino, in indicem relatus est. Ab eadem congregatione invitatus Mabillonius ad promendum qualecunque suffragium, super libris quibusdam *Vossianis* de diluvio non universalis. In bibliotheca Barbarina inter alia & hoc notarunt, quod Urbanus VIII ab Hispanis interpellatus de concedendis indulgentiis ob cultum Sancti *Vlar*, negaverit se id facturum, nisi prius resciret, quis & qualis ille sanctus fuerit. Allatus ergo lapis, in quo hæ literæ reliquæ erant S. VIAR. Verum periti judicarunt, fragmentum esse veteris inscriptionis, in qua quidam Præfectus VIARum laudatus

fuerit. Inter libros cœnobii *Farfensis* 25 passuum millibus a Roma distiti, commendant *Bonifacii Simoneta*, doctoris ac monasterii Cornu abbatis, opus de historia persecutionum Christianarum, in 6 libros per epistolas redactum & A. 1488 Mediolani editum. Ad celebres, quæ Romæ sunt, bibliothecas referunt etiam eam, quæ est in Capranico, & alteram in Collegio Sapientiæ, quam ipsis aperuit *Fauftus Naironus* Maronita, affinis *Abrahami Echellenfis*, qui Syriacas literas ibidem docuit.

Dum Senis in capella quadam ecclesiæ cathedralis, statuas Pontificum Romanorum Senis oriundorum oculis usurparent, occurrit ipsorum memoriæ, quod in *Colomesii* Singularibus legerant, nimirum statuam Pseudopapissæ Johannæ inter illas locum habuisse usque ad annum 1634, quo *Johannes Launojus* Senas profectus, statuam illam adhuc stantem se vidisse asserit in Dissertatione de auctoritate negantis argumenti, ac proinde Baronio illusum fuisse, cum in literis ad Florimundum Raimundum statuam illam disiectam & comminutam sibi gratulatur. Mabilionius & Germanus nihil de illa statuâ videre aut rescire potuerunt, donec re maturius examinata *Jacobus Mignanellus* in literis per *Magliabecum* transmissis ænigma solveret, ipsisque significaret, statuam Johannæ sub Clementis IIX Pontificatu, ad preces Baronii, cooperante Archiepiscopo & ipso Duce non penitus quidem fuisse comminutam, sed mutatis muliebris formæ lineamentis, ex focmina factam Zachariæ Pontificis figuram.

Inter bibliothecas *Florentiæ* visitatas, post Laurentianam vetustis libris nullam magis referatam esse scribunt, quam bibliothecam sanctæ Crucis. Longum esset, quid in singulis notaverint referre. Magni Ducis cimelia & picturas commonstravit ipsis *Magliabecus* & *Norifius*. In his & aliis, quæ Romæ viderant, artificum ingenium & industriam mirantur, sed verecundiam desiderant. Cum *Magliabeco* in abbatiam Fesulanam Canonicorum regularium Congregationis Lateranensis, duobus passuum millibus a Florentia distantem profecti, præ aliis abbatix illius Fesulanæ codicibus notatu dignum esse statuunt *Sozomeni Presbyteri Pistoriensis* chronicon ab orbe condito ad sua tempora, ex quo nonnulla excerpuntur. Invitati ad S. Spiritus cœnobium a *Norifio*, viderunt

materias ad historiam Donatistarum ab eo dispositas, eumque nunc intermissa tantisper Donatistarum historia, totum in tractandis numismatibus occupari indicant, e quibus verum nativitatibus Dominicæ annum se demonstraturum confidit, in libro de æris & epochis Syromacedonum, quem prelo maturum habet. In urbe Luca lateri ipsorum individuus comes adhæsit *Bartholomæus Beverinus*, cujus in ligata & soluta oratione elegantiam uno atque altero specimine commendant. Idem historiam Lucanæ civitatis a se eleganter scriptam nondum editam, neque facile edendam ipsis ostendit, vitamque S. Cæcilie notis suis illustratam cum poematis suis ab euntibus donavit, & novo carmine se Ludovici Gallie Regis gestis applausurum promisit. Verum quo minus promissis staret, morbus impedivit, ipsaque mors, quæ ipsum rebus humanis exemit, eum pridie sui obitus epistolam quasi testamenti vice ad Mabillonium & Germanum aliena manu exarasset, quæ itineri huic Italico p. 190 & 191 inserta legitur. Præter Beverinum *Marius Florentinus* aliique variis humanitatis officiis hospites Gallos profecuti sunt, qui hanc benevolentie significationem innatæ Lucensium urbanitati & Magliabeci literis commendatitiis tribuunt. Florentiam reversis, *Vivianus Magni Ducis* mathematicus tres priores libros Divinationis in 5 libris deperditos Aristæi senioris de locis solidis illis ostendit, reliquos duos Regi Christianissimo dedicare meditatur, a quo honorarium annuum antehac accepit. Idem Theonis in Ptolemæum versionem seculo superiori a Joh. Baptista Theophilo nobili Urbinate factam, Regiæ bibliothecæ inferendam tradidit. A Magliabeco quoque epistolarum Ambrosii Camaldulensis volumen optime notæ, aliosque libros editos & ineditos acceperunt, in quibus *Petri Apollonii* Novariensis carmen heroicum de Davide & Golia ad Laurentium Medicem, ex quo constare potest, autorem hunc non ad seculum septimum aut decimum, sed ad finem seculi 15 quo Laurentius Medices floruit, referendum esse. Quæ *Bononia*, *Mantua*, *Parma*, ubi præter alios *Benedictum Baccinum* & *Gaudentium Robertum* Carmelitæ Diarii literarii Parmensis auctores convenerunt, *Placentia*, *Ticini*, *Genuæ* & per cæteras Italiæ urbes observata sunt, omittimus, ne iusto prolixiores cuiquam videamur. Quam ob causam etiam de altera Tomi hujus parte brevissimis agendum.

Complectitur ea opuscula quædam & vetera monumenta & opusculorum fragmenta ex Italicis bibliothecis collecta, quibus præfationes suas & observationes Mabillonius præmittit aut subiungit & interferit. Agmen ducunt XII *Maximi Taurinensis* homilia, quas præter Diurni Rom. Pont. supplementum, Hadriani I vitam, capitularia & placita quædam, indicem ducum Spoletanorum & abbatum Farfensium, concilium Romanum in causa Formosi, catalogum episcoporum Mediolanensium, *Manasse* archiepiscopi Remensis apologiam, & diversas variorum epistolas, excipit historia belli sacri sub Urbano II ab autore anonymo sed coævo scripta, cujus epitome inter *Gesta Dei per Francos* primo loco legitur. Autorem hunc Francum aut Normannum & quidem laicum fuisse Mabillonio verisimile videtur, qui etiam observat, multa hunc autorem singularia referre, quæ ab epitomatore inter gesta Dei per Francos edito prætermissa sunt. Huic historiæ ex bibliotheca Christianæ Reginae subiicitur *Stephani* Comitis Carnotensis ad uxorem suam de eodem argumento epistola. Sequuntur epistola quædam formata, Synodus Verulanensis in causa Grimaldi Archicanonici, Confessio Græcorum de verbis consecrationis & transubstantiatione a *Bessarione* in concilio Florentino exposita; quam Mabillonius ad persuadendam Græcorum de eucharistia fidem non levis momenti esse putat, acta sanctorum martyrum Nicandri & Marciani, vita Fabiani Bencii Politianensis ab *Augustino Patricio* Pientino episcopo scripta, narratio de adventu Friderici III Imp. ad Paulum II eodem Patricio autore, & Sacramentarium Gallicanum ex Bobiensi monasterio depromptum.

MISCELLANEORUM HISTORICORUM

*Regni Bohemæ Decadis I. Liber VII Regalis; seu
de Ducibus, ac Regibus Bohemæ &c. Authore
Bobuslao Balbino S. J.*

Pragæ, in Collegio Soc. ad S. Clementem, 1687, in fol.

Non equidem omnia Principum Bohemæ, Regumque gesta hoc volumine complecti Autor clarissimus sæpiusque nobis ex me-

rito laudatus voluit, Miscellanea scripturus, non integram historiam; sed afferre solum præcipua, quæque ad Principum liberos spectant, vel ad rationem temporum, vel ad eorundem successionem: eoqueprehendimus, tria nunc studiosius eum confectanda sibi in eodem statuisse, Successionem videlicet Principum atque Regum, eorumque gesta singularia, Chronologiam, & Genealogiam, quod his maxime discerni a fabularum vanitate historiam posse judicaret, omnisque ævi memoriam tutissime superstrui.

Senis itaque in universam sectionibus Liber totus absolvitur, quarum Prima a Czecho, primo gentis Duce, autore, atque patre exorsa, originem Croci inter alia deducit ex Romana Gracchorum gente, memoratisque reliquis ex gentilismo Principibus, peculiariter de adventu Czechi & initio Czechorum dissertatiunculam subiungit, qua chronologiam Hagecii minus subsistere ostenditur, Progreditur dein ad Borzivoium, primæ Christianis Ducem, ab eoque ad Brzetislaum I quinque generationes numerat & exponit. Post Brzetislaum II, vicesimum sextum, & Wladislaum II, trigessimum primum in ordine principem postea quoque Regem, gubernationem Bohemiæ, ob Competitorum ex regio sanguine multitudinem, miris modis conturbatam, & exinde nata fuisse cruenta admodum certamina observat, donec Wladislaus, dicti II filius quarto genitus, trigessimus septimus Princeps, rarissimo modestiæ exemplo, fratri Przemislao Ottogaro cederet principatum, & is primum Princeps Bohemiæ trigessimus octavus, mox etiam Rex cum omnibus Principibus Bohemiæ successoribus designaretur, Ultimam ex Przemislæa gente Wenceslaum III fuisse, quem Rudolphi Austriaci, & Henrici Carinthii interregnum exceperit. *Secunda* Libri sectio gesta Regum, quos habuit Bohemia ex familia Lucemburgica, exponit, Johannis nempe, Caroli IV, Wenceslai IV, & Sigismundi, tabula dictæ stirpis genealogica subiecta, & notis illustrata. *Tertia* ostendit, quemadmodum extincta in Bohemia stirpe Regia Lucemburgica, volente & Albertum sibi generum atque successorem destinante Sigismundo, Augustissima domus Austriaca successerit in duobus Regibus, Alberto II, ejusque filio Ladislao posthumo. *Quarta* Regem unicum proponit ex Cunstadæa familia oriundum, Georgium Podiebradium. Sectionum *quinta* duo descri-

describuntur Reges, Pater & Filius, ex familia Jagellonica, Wladislaus II, Casimiri III Poloniae Regis filius, & Ludovicus I cito ereptus terris; una cum Jagellonidarum tabula. *Ultima* denique sectio Regum reliquorum ex Augustissima domo Austriaca, Ferdinandi I, Maximiliani II, Rudolphi II, Matthiae I, Ferdinandi II, III, IV, & invictissimi Leopoldi fata & res praclare gestas persequitur, additasque in fine habet tabulas genealogicas stirpium a Maximiliano I, Ferdinando I, Maximiliano II, Carolo II, & Ferdinando II descendentium. Et quamvis Autor initio Voluminis palam testetur, nolle Regum elogium se texere, neque ingeniose & argute sententias illustribus & vibrantibus factorum explicare causas, quod praestitum illud jam abunde ab Italo scriptore Julio Solimanno sciret; notis tamen locisque Historicis & Ethicis cum lectu jucundissimis, tum prudentiae augendae aptissimis, singula rerum gestarum capita egregie dedit illustrata.

*FRANCISCI SANCTII MINERVA, SIVE DE
Causis Latinae Linguae Commentarius, cui accedunt
animadversiones & notae Gasperis Scioppii, & longe ubero-
riores Jacobi Perizonii.*

Franequeræ apud Leon. Strickium, 1687, in 8.

UT omne, quod nimium, molestum est & cum damno quodam
conjunctum: ita Grammaticorum intempestiva sedulitas non
tam promovit litterarum cursum, quam per ambages & anfractus
impedit. Cui malo remedium ut pararet *Franciscus Sanctius*;
hanc artem ad linguae Latinae indolem atque naturam expendit, su-
perflua abiecit, necessaria in ordinem redegit, obscura & intricata
Ελέγξας beneficio mirifice exposuit in libro isto, quem ab litte-
rarum dea *Minervam* appellavit. Avidè exceptus liber, nec in Hi-
spaña tantum, sed etiam cum Scioppii additamentis in Italia & Ba-
tavia aliquoties recusatus fuit. Cum jam nova pararetur editio, pro
juvandi bonas litteras amore & studio *Jacobus Perizonius*, Frane-
queranae Academiae Professor clarissimus, uberores, quam erant
Scioppii, castigationes observationesque adjecit, quibus firmavit
partim,

partim, quæ recte dicta a Sanctio fuerant; partim, quæ secus videbantur, obelisco notavit & certiora substituit. Quorum cum singula enumerari non possint, quia dispersæ annotationes sunt, nec continuo ordine connexæ; placet exemplis paucis declarare, quid novi Perizonius ad Sanctii Minervam, a Scioppio olim adauctam superaddiderit.

Cap. IV Dualem in vocibus *ambo* & *duo* contra Sanctium & Donatum negat. Cap. VI explicat, quem veteres dixerint *septimum Casum*; simulque *sextum Græcorum*, quem Sanctius necessarium duxit, multis verbis confutat. Cap. VII laudat Sanctium, quod *Epicænum* Genus Nominum exterminarit: carpit vero, quod cum *Communi* confuderit. Pariter notat eundem de *Diminutorum* Genere cap. X, & de *Personæ Modique* vocabulis cap. XI & XII, præclara quidem multa tradidisse, præsertim in constructionis ratione: in ipso tamen artis systemate dum nimio novandi & mutandi omnia studio fuerit ductus, modum aliquando excessisse abjiciendo temere, quæ dudum jam fuerint recepta, & suum in Grammatica usum habeant. De *Participiis* disputat cap. XV, esse vere Nomina; tempus autem adsignificare, & in eo partem Verbi capere, quod contra Sanctii sententiam est, qui Nomina quidem, sed omnium temporum dixit Participia. His addit p. 98 paradoxum, *Amandus* proprie & primitus esse Præsentis Temporis. Cap. XVI Præpositiones examinat. Propter Adverbium esse tradit; non Præpositionem: *Secundum*, Adjectivum: *Adversus*, Adverbium, quæ singula Accusativum non admittant per se, sed subaudita *Ad* aut simili Præpositione: *Pridie* & *Postridie* ex Genitivo & Ablativo constare, ut *die crastini*. Hæc ex libro I.

Secundo, quo de Constructione egit Sanctius, varia noster addit, immutat, explicat, v. gr. *estimandi* formulas perfectius, quam a Sanctio factum, ita supplet, ut & vocem *rem* subaudiat, & Genitivum *precii*, vel *estimationis*, vel *momenti*. Ut *facio te [rem] pluris [precii] &c.* Genitivum cum Verbo *Miseret* a suppresso quarto Casu *vicem* deducit, ut *Miseret me [vicem] pauperis*, in quo Terentium se dicit secutum esse. Nec Græcismos concedit, qui vulgo putantur, *desine querelarum*; *lassus viarum*; sed Latinam ellipsin commodiorem laudat ad explicandum, *querelarum causa*, sive in negotio

negotio querelarum. Cap.X & XI Ger. Joh. Vossium notat, qui Comparativum interdum pro Positivo poni existimet: & Sanctium suum castigat, Grammaticos reprehendentem, quod tres *Comparisonis Gradus* pro uno constituant. Cum enim, inquit, de usu rerum constet; inane est receptis dudum appellationibus litem movere. Nec minus Vallam contra Sanctium de Possessivis tuetur cap. XIII.

Tertio libro Sanctio philosophanti, non alia Verba, quam Activa & Passiva esse, certo modo subscribit, Neutris actionem concedens per ellipsin intellectam; & Deponentibus plerisque Passivam formam attribuens. *Potior enim, Vescor, iltor, Abutor, Proficiscor,* vere nostro Passiva sunt, & v.gr. *vesci* interpretatur ali, sustentari: *potiri*, potioem fieri, cujus Activum apud Plautum supersit: *proficisci*, profici & promoveri in alium locum. Cap. IV & Ablativo per A Præpositionem; & Dativo, cum Verbo Passivo constructis, *agentis* notionem, quam Sanctius negarat, exemplis Plurales, non Ablativos Femineos esse una cum Sanctio propugnat: paulo plenius autem, quam ille, ex consueta ellipsi explicat, subauditis vocibus *ad negotia, inter negotia.* Cap. VI *Quoad ejus fieri potest*, aliter quam Scioppius, cui *fieri* pro Nomine *factum* positum est, interpretatur, itidem sola ellipsi Pronominis *Aliquid* sublevatus. Cap. VIII & IX Gerundia æque ac Supinum utrumque negat, & nihil nisi Nomina esse, ex Præpositionis exemplo, quam ferre possint, demonstrat. Priora Supina concedebat Sanctius: hic autem novo modo, ut ad Nomina referre possit, ita exponit: *Eo* [ad] *spectatum* [negotii *nata* sive quod ad] *ludos*: eadem Verbis *finem* potius quam *motum* significantibus subjungi, exemplo, quod motum nullum ad locum notat, non obscure exponit. Cap. XIV in Conjunctionibus formulam *Dico, quod*, & similes cum Manutio, Scioppio & Vossio contra Sanctium & Gronovium patrem defendit, nec minus novis perspicuisque exemplis illustrat.

In quarto libro ellipsin Sanctianam passim emendat; confirmat, novisque exemplis corroborat, v.gr. quomodo *homo frugi, damnatus voti, potiri rerum, dicto audiens*, & alia curtata commo-
dissime suppleri & ad integritatem sensus revocari possint; quæ

Hhhh

indi-

indicasse sufficiat, ut de ceteris ejusdem argumenti, quæ præterminimus, facilius possit judicari.

*HISTOIRE DU PONTIFICAT DE S.
Leon le Grand par Mr. Maimbourg, i. e.*

Ludovici Maimburgii Historia de Pontificatu
S. Leonis Magni.

Parisiis, apud Claud. Barbinum, 1687, in 4. & in 12. & Hagæ
Comitum apud Adrianum Mœtjens, in 12.

NON immerito ut singulare aliquid *in proloquio* prædicat Autor, quod senectus neque memoriam, neque cæteras ad scribendum dotes sibi diminuerit, ita ut post historiam Gregorii Magni, in qua finire labores suos putasset, hanc de Leone, eodem mentis vigore componere potuerit. Certe si quis hanc cum aliis ab autore editis conferat, nostro, si quid valet, iudicio, non inveniet, quæ ingenii aut memoriæ defectum in eo arguere possint. Idem in primis artificium apparet efformandi in novam speciem veteres historias, & sive ad palatum aulae & nationis, sive ad scopum suum accommodandi. Comparationem vero, quam inter se & S. Augustinum instituit, fatalis quædam eventus similitudo comprobavit. Sicut enim Augustinus anno vitæ suæ septuagesimo sexto, ita & hic eodem scribendi & vivendi finem fecit, ut adeo non sine omine scripta esse videantur, quæ p. 36. edit. Belg. leguntur. Quatenus vero in causis, quas tractant, aliisque rebus differant, apertius est, quam ut a nobis explicari debeat, & ipse autor haud immodeste d. l. agnovit. Cæterum Historici personam multis jam annis sumtam non deposuit quidem in hoc libro suo Maimburgius, forte tamen evidentius quam unquam, verum quem sibi proposuit, scopum denudavit. Siquidem mox in proœmio indicat, post prostratam jam in Gallia Reformatorum, quam vocat, hæresin, utilitati novorum catechumenorum se consulturum esse, dum duo magna, quæ celebrat principia, de *primatu sedis Romanæ*, & de *infallibili conciliorum in questionibus de fide definitione*, ex hac historia de Leone stabilire nititur, quorum alterum commune cum omnibus Romana sacra profitentibus

tibus, alterum cum solis fere Gallis habet. Verum præter ista, alia non pauca sunt, quæ auctori magis quam historia Leonis curæ fuerunt, quibusque illa pro condimento vel vehiculo servire videntur. Rectius itaque fuerit, & uti speramus lectoribus gratius, præcipua quædam ex illis annotare, quam historię compendium exhibere. Sufficiet ex ipso Breviario Romano, in quo ad d. XI April. Sancti hujus Leonis memoria recolitur, sequentia adscribere: *Leo primus, Etruscus, eo tempore præfuit Ecclesia, cum rex Hunnorum Attila, cognomento flagellum Dei, in Italiam invadens, Aquilejam triennii obsidione captam diripuit, & incendit: unde cum Romam ardenti furore raperetur, jamque copias, ubi Mincius in Padum insuit, trajicere pararet, occurrit ei Leo, malorum Italie impendentium misericordia permotus: cujus divina eloquentia persuasum est Attilæ, ut regrederetur. Qui interrogatus a suis, quid esset quod præter consuetudinem tam humiliter Romani Pontificis imperata faceret: Respondit, se astantem quandam alium, illo loquente, Sacerdotali habitu veritum esse, sibi stricto gladio minitantem mortem, nisi Leoni obtemperaret. Quare in Pannoniam reversus est. Leo autem Romæ singulari omnium lætitia exceptus, paulo post invadenti urbem Gensericco, eadem eloquentiæ vi, & sanctitatis opinione persuasit, ut ab incendio, ignominis, ac cadibus abstineret. Sed cum Ecclesiam a multis hæresibus oppugnari, maximeque a Nestorianis & Eutychianis exagitari videret: ad eam purgandam, & in fide catholica confirmandam, Concilium Chalcedonense indixit, ubi sexcentis triginta coactis Episcopis, Eutyches & Dioscorus, & iterum Nestorius, condemnati sunt: ejusdemque concilii decreta, sua auctoritate confirmavit. Statuit, ut in actione mysterii diceretur, sanctum sacrificium, immaculatam hostiam. Sanxit, ne monacha benedictum capitis velamen reciperet, nisi quadraginta annorum virginitatem probasset. His & aliis præclare gestis, cum multa sancte & luculenter scripisset, tertio Idus Aprilis obdormivit in Domino. Sedit in Pontificatu annos viginti, menses decem, dies viginti octo. (cooperat scilicet anno 440, obiit anno 461) Hæc quidem & alia plurima late quinque his historię suæ libris explicat Maimburgius, sed quod in ista narratione omnium maxime venerandum & mirabile videtur, apparitio scilicet illa ab ipso Attila ut refertur agnita, id non veretur rejicere Maimburgius, etsi Breviarium illud*

ex severis Pontificum legibus inviolabile esse existimari posset. Neque tamen suo hic utitur arbitratu, sed sequitur auctoritatem Archiepiscopi Parisiensis *Francisci Harlei*, qui suscepta (an permisso Pontificis, nobis incognitum est) Breviarii correctione, verba illa, quibus apparitio narratur, expungi iussit. Laudat factum Noster p. 225, quo apocrypha & incerta ex libro illo sublata, & optima ex patribus loca surrogata fuerint. Incertitudinem autem narrationis ex silentio autorum arguit, qui eo tempore vixerunt & scripserunt, interque eos *Prosperi*, qui Romæ fuit, & Leonis ad Attilam profectionem accurate recensuit. Indulgentior est in admittenda, sive non rejicienda, longe incredibiliori narratione, de apparitione B. Virginis Leoni Thraci facta, qua ei fons demonstratus & imperium prædictum fuisse fertur: quanquam enim solius Nicephori, auctoris, ut fateatur, parum gravis relatu nitatur, credi tamen si non debere, posse saltem autumat, quia similia in aliis sanctorum & Ecclesiæ historiis inveniuntur. Cordatior est in rejicienda Zonaræ historia, de corpore S. Euphemiæ, quæ, cum in quaestione inter Orthodoxos & Eutychianos Imperator & clerus iudicium ei detulissent, chartam, cui vera sententia inscripta erat, Imperatori manu porrexisset, illam vero, quæ Eutychianum errorem continebat, sub pedibus habuisse dicitur, etsi utraque pectori ejus imposita, & sepulchrum clausum & sigillis munitum fuisset. Quod vero in Breviario indictio concilii Chalcedonensis Leoni confidenter tribuitur, etsi expresse non reprehendat, re ipsa tamen refutat, dum Lib. III p. 159 non tacet, indictionem illam a Martiano Imp. factam esse, & alio quidem tempore & loco, quam Pontifex desideraverat, & prudentiæ atque moderationi ejus adscribit, quod Imperatori in talibus non contradixerit. Id vero jus indicendi ma- sculo candore *Edmundus Richerius* tum alibi, tum in hac ipsa Chalcedonensis Synodi historia Lib. I cap. VIII §. 3. 10. & cap. XI §. 2 in Historia concilii II Niceni Imperatoribus asseruit; sed ab hoc autore allegando causæ fortassis fuerunt, cur Noster abstinerit. Ingenue tamen commemorat p. 222. lib. III, quod Leo Pontifex jussu Imperatoris ad Attilam legari se passus sit, quod majestati, quæ postea invaluit, pontificiæ utique non convenit, & in Breviario omissum est. Obiter taxat Cassiodori affectum, quo legationis il-

lius successum patri suo, qui inter Senatores cum Leone ablegatos fuerat, potissimum tribuit *Lib. I. Epist. 4;* cum tamen alibi in Chronico gloriam illam Leoni non detraxerit.

Sed omiſſis, quæ historica sunt, quædam afferemus, quæ Maimburgio, ut dictum est, majoris momenti fuisse videntur. Ante omnia nullam negligit occasionem, ut panegyricis elogiis Regem Christianissimum mactet, ob funditus oppressam in regno, Reformatorum quam nominat, & ubique pessime traducit, hæresin. In ipsa dedicatione ad imitationem epistolæ 7 Leonis ad Theodosium Imp. Regi sacerdotalem animum tribuit, ob sollicitudinem contra hæreses: dein subjungit, *neminem dubitare de illo posse, qui consideret, quam miti pariter & efficaci modo, zeloque vel sanctissimis Episcopis digno, in negotio isto processerit. Stupet (ait) mundus ad mirabilem hanc methodum, qua sine omni rumore & violentia, absque sanguinis effusione exterminata est hæresis, id quod Reges priores per supplicia & arma præstare nequiverunt.* Exaggerat eadem p. 254 lib. IV, ubi Herculi præfert Regem, hydræ caput sine ulla renascendi spe præcidentem, idque *ne cum unica quidem gutta sanguinis effusione, p. 314.* quod pro summo habet celebratque iterum miraculo. Antea cum Scriptores Reformatos cum Juliano Pelagiano p. 35. Lib. I comparasset, indicem librorum Reformatorum, quos Romano-Catholicis imprimere, vendere, legereve non liceret, ab Archiepiscopo Parisiensi publicatum, & edictum regium anno 1685 ad querelas Cleri conditum p. 71, quo Reformati a libris contra Romano-Catholicos edendis prohibiti sunt, laudibus prosequitur, multo magis vero alterum illud, quod magnum vocat, mense Octobri fecutum, quo totus cultus Reformatorum subversus est, ad exemplum scilicet Honorii, Pelagianos exterminantis: abjurandi etiam formulas Leonis dicto ex epistola 86 p. 41 confirmat. Ad hunc ejus contra hæreticos zelum pertinent, quæ p. 48 de optima methodo commentatur, ut sine colloquio per damnationes in conciliis procedatur: in colloquiis enim audacter loqui solere hæreticos, & de victoria aut assensu auditorum, imperitorum ut plurimum, gloriarī. Supplicia hæreticorum Leonis autoritate defendit, qui Maximi severitatem adversus Priscillianistas ep. 95 probaverit. Interim cum Suspitio Severo *Ibacium* culpatur, quod adversus *S. Martini Turo-*

nenfis sententiam, Imperatorem ad rigorem illum capitalium iudiciorum impulerit, & lenitatem clericam commendat, qua deprecatio interponi solet, ut vitæ hæreticorum, quos magistratibus puniendos offerunt, parcatur. Ferre tamen eos ait merito, quod hi decreverint.

Non minori studio sententiæ Cleri Gallicani, edictis Regiis vel imperatæ vel confirmatæ, de auctoritate Conciliorum supra Pontifices, & quod falli hi queant, ubicunque potest, præsidia quærit: primatum tamen ipsum, quem Leo asserere sedi suæ non neglexit, non minori confirmans diligentia. Ita Lib. II pag. 110 (quod alios præteruisse dicit) vitium concilio Ephesino, quod secundum vocant, vel inde maxime impingit, quod Dioscorus Patriarcha Alexandrinus præsidere in eo ausus fuerit, rejectis legatis Leonis, imo cum contradicerent, in carcerem coniectis, ut ex tribus unus solum effugere, & Leoni, quæ acta erant, referre potuerit. Sed qualemcunque hanc defensionis gratiam insigni er corrumpit, cum adversus *Baronium* & *Christianum Lupum*, quadantenus etiam adversus *Quesnellum* operum Leonis novissimum editorem, jus appellandi a conciliis ad Pontificem vehementer impugnat, nec *Flaviani* Patriarchæ Constantinopolitani a Dioscoro condemnati querelam provocationis loco habendam censet; nil motus epistola manuscripta a Lupo ex Cassinensi Bibliotheca adducta: neque enim per illam probari, legitimam appellationem fuisse *Helladii Tarsensis* & *Eutberii Thyanei* Metropolitanorum, qui fraude hæretica ad Sixtum III provocare ab Ephesino concilio, in quo Nestorius damnatus fuit, voluerunt. Miratur *Lupum* ita argumentantem non vidisse præiudicium ipsis Pontificibus a se illatum; si enim fas foret, a Concilio quod Pontifex confirmaverat, appellare, fas etiam esset ab ipso appellare Pontifice, quod tamen Romæ ait negari. *Baronio*, qui supremum jus de conciliorum decisio statuendi, Pontificibus vendicat, dicam scribit p. 266 Lib. IV, neque concedit, celeberrimam illam Leonis epistolam ad Flavianum, in qua orthodoxam contra Eutychem sententiam propugnavit, pro decisione haberi debere; quinimo eo sine ait ad concilium missam & ab eo receptam, ut examinaretur & comprobaretur; inde patere sexcentos & triginta Episcopos Chalcedone congregatos pro infallibili non habuisse

Pontificem. Paulo ante p. 264 Leonis testimonio adducto monuerat, minime licere Pontificibus, decreta conciliorum aut suspendere, aut denuo in examen vocare. Ea occasione improbat hominibus, ut ait, privati conatum, (in margine p. 265 adscribit *Comitem Roccum Spinolam, Episcopum Tinensem, Primatem Croatiae*) qui absque autoritate & consensu suspensionem concilii Tridentini, pro reducendis Protestantibus proposuerit. Inde a p. 266 ad 273 *Clar. Schelstratenus* aggreditur, a quo responsum sibi esse dicit in quaestione de decreto *Constantiensi* pro superioritate concilii, refert autem se paratam habere adversus illum dissertationem. Nihil facit argumentum ex epistola Synodica Chalcedonensi adductum, in qua *Leo supremus Pontifex* dicitur; illo enim vocabulo nil nisi primatum præ singulis membris, non vero universalem in totam Ecclesiam superioritatem significari. Manuscripta ad quæ provocat adversarius, male intellecta esse dicit, & alia non minoris fidei opponi posse; neque respiciendum esse ad contradictiones & protestationes in consultationibus Conciliorum fieri solitas, sed ad ea, quæ legitime & *conciliariter*, ut loquuntur, decreta sunt. At gravius fert p. 262, quod *Schelstratenus* verba Maimburgii, quibus ex epistola Pii II notaverat, *preferri Papam Ecclesie*, non integra retulerit, omisis nempe sequentibus, quibus ex *Labbeo & Cossartio* monuerat, in aliis exemplis literarum illarum pro *preferitur* legi *presidet*. Memor etiam Ordinis, cujus pars fuit, Jansenii causæ, arrepta occasione, adversatur, & Papas jure primatus omnino iudices esse in controversiis ad se delatis affirmat; defendens hoc modo Innocentii X & Alexandri VII damnationes quinque propositionum. vid. Lib. I p. 64 & Lib. III p. 181. Denique toto Libro V magistrum disciplinæ agit, adductisque variis Leonis actis & scriptis, monet aliqua, quæ ad Pontificum & Episcoporum officia, aut ad regias de rebus Ecclesiasticis constitutiones pertinent, v. g. p. 317 & seqq. de concionibus, quas ab initio a solis Episcopis, ut Apostolorum successoribus fieri consuevisse, & Valerium Hipponensem fere primum fuisse tradit, qui Augustino vices suas in concionando demandaverit. Sozomenum mendacii accusat, scribentem, Leonem primum fuisse inter Episcopos Romanos, qui ipse fuerit concionatus. Regimen Pontificium ad præscriptum canonum severe adstringit, neque

contra

contra eos re integra dispensationes locum habere, Leonis aliorumque autoritate & exemplo probat: quamvis lapsis veniam haud difficulter concessam esse, non neget p. 360 & seqq. Defendit p. 350 contra *Schelfratenum*, quæ in libro suo de Ecclesia Romana, ex concilio Florentino contra plenitudinem potestatis Pontificiæ adduxerat. Usuras a Leone penitus improbatas fuisse monstrat p. 325, in medio relinquens, quæ moralis Theologiæ autores ad excusandas eas invenerunt. De juniorum ritu vario & ab Ecclesiæ consuetudine aut ordinatione dependenti, utque eleemosynarum erogatio in jejuniis vel maxime requisita fuerit, multis agit p. 326 & seqq. notat in specie aliquid de ritu Mediolanensi, p. 330. De probabilitate sive relaxatione circa rigorem opinionum, insigne Leonis dictum affert, & librum *Fererii* Jesuitæ, qui Regi a confessionibus fuit, summe laudat, p. 343. Episcopos ante octavum seculum nullo juramento Pontificibus obstrictos fuisse, observat p. 351. Moderationem Leonis, ut Imperatoribus & Patriarchis aliquando pacis Ecclesiasticæ causa cesserit, aliquibus exemplis probat & commendat p. 363 & seqq. Eodem trahit quod pœnitentiam publicam, quæ prius Ecclesiæ more observabatur, a Leone extra casus atrocium criminum, ut nimiam & theatralem, improbatam esse memorat, retenta privata seu auriculari, ex quo colligit, hanc apostolici sive divini juris esse, p. 386 & seqq. Sed Protestantibus aliam etiam objectionem p. 355 fecerat de Missa, quam tempore Leonis pro sacrificio habitam fuisse inde putat probari, quia Leo in epistola ad Dioscorum Alexandrinum eam vocat sacrificium, & diebus festis plures fieri vult, unam nempe post aliam, ne pars populi ab offerendo excludatur, si una tantum celebretur. Notatu haud indigna sunt, quæ p. 384 adversus *Quesnellum* in Dissert. Apol. pro S. Hilario Arelatensi, & contra *Ferrandi* opinionem de ætate virginum velandarum pro *Thomassino* commentatur, p. 391 & seqq. ut & de jure & consuetudine, qua Reges & Principes de rebus Ecclesiasticis leges ferre soliti fuerunt, p. 397. Finitur opus elogio Leonis, qui Pontificum post S. Petrum maximus, prudentia, fortitudine ac dexteritate sua, qua navem S. Petri inter horribiles tempestates a furiosissimis hæreticorum excitas gubernaverit, & in tranquillum postremo portum, pace universali Ecclesiæ restituta deduxerit, ideam optimi Pontificis & exemplum omnibus imitandum dicitur posuisse.

TAB. IX. ad a. 1687.
 pag. 637. figg.




Fig. VII.




Fig. I.




Fig. II.




Fig. III.




Fig. IV.




Fig. V.




Fig. VI.




Fig. IX.



SOLUTIO ALGEBRAICA PROBLEMATIS,
de Quadrifsectione Trianguli Scaleni per
duas Normales rectas:

Autore J. Bernoulli, Math. Prof. in Academia Basileensi.

Problema hocce, quod summum hujus ævi Mathematicum non ita pridem occupatum tenuit, tam parum ex voto eidem successisse audio, ut ultra quadragesimam potestatem, si bene memini, & credere fas est, assurrexerit. At cum intra octo dimensiones illud coerceri posse deprehendam, operæ pretium esse duxi, ut tanti discriminis pateret ratio, viam quam in ejus analysi ingressus sum, publico exponere. Quam in rem sequentia præmitto Lemmata:

Lem. I. Utraque linearum quadrifsecantium sigillatim bifecat Triangulum; quod per se clarum.

II. Neutra quadrifsecantium normalium terminari potest in angulo Trianguli Scaleni: Dem. (Fig. I.) Si fieri potest, cadat una quadrifsecantium AD, in angulum A; tum altera terminabitur vel in utroque crure anguli A, vel in alterutro tantum: Terminetur primo in utroque crure, ut recta EF. Quoniam igitur $\triangle AEL$ ponitur $= \triangle ALF$, erit $EL = LF$; & propter commune latus AL, angulosque interceptos ALE, ALF rectos, $\text{ang. } EAL = LAF$, sive $BAD = DAC$: quare $BA \cdot AC :: BD \cdot DC$: & quia $BA >$ vel $<$ ponitur AC, erit quoque $BD >$ vel $<$ DC, ac $\triangle BAD >$ vel $<$ $\triangle DAC$; quocirca recta AD non bifecat $\triangle BAC$; propterea per Lemm. I. non potest esse quadrifsecantium una. Terminetur autem secundo in alterutro crure tantum, ut recta GH, ducanturque rectæ IC, IB; quoniam Trapezium $AHC = \triangle IDH$, erit $\triangle AIC <$ $\triangle IDC$; & $AI <$ ID : haud secus quia $\triangle AIG = \text{Trap. } IGBD$, erit $\triangle AIB >$ $\triangle IBD$; & $AI >$ ID : igitur AI simul $>$ & $<$ ID. Q.E.A.

III. Neutra quadrifsecantium normalium parallela vel perpendicularis esse potest ulli lateri Trianguli Scaleni: Dem. (Fig. II) Esto, si fieri potest, recta FG, parallela lateri BC; cadetque perpendicularis DE, in alterutrum latus AC vel AB; nec enim angulo A

TAB. IX.
Fig. I.

TAB. IX.
Fig. II.

occurrere potest per præcedens Lemma: occurrat itaque priori in D , & ducatur DE , quæ producta offendat productâ EB in I . Quoniam igitur $\triangle GHD = \text{Trap. } HDAF$, erit $\triangle GHD \supset \triangle HDE$, & recta $GH \supset HF$, & $CE \supset EI$, unde CE multo $\supset EB$. Cum ergo in $\text{Trap. } CGHE$ & $HEBF$, duo latera GH, CE majora sunt duobus lateribus HF, EB , utrumque utrique, & perpendicularis HE communis, erit $\text{Trap. } CGHE \supset \text{Trap. } HEBF$; igitur non quadrifectum est Triangulum ABC , contra hypothesin.

TAB. IX.
Fig. III. *IV. Binæ rectæ quadrifecantes Triangulum quodcumque non terminantur duabus extremitatibus in uno Trianguli latere, & duabus aliis in alio. Dem. (Fig. III)* Terminentur, si fieri possit, in latere AB extremitates D & F , ac in latere BC extremitates G & E , junganturque DG, FE . Quoniam $\triangle DHF$ & GHE ponuntur æqualia, habebunt latera circum verticales angulos reciproce proportionalia, $FH.HG :: HE.HD$; & quia $FH \supset HG$, (quandoquidem $\triangle FHD = \text{quinquangulo } ADHGC$, ac proinde $\supset \triangle DHG$) erit quoque $HE \supset HD$, quare & $\triangle HEG \supset \triangle HDF$, seu $\text{Trap. } HEBF$, pars toto $Q. E. A.$

Coroll. Cum igitur Trianguli non nisi tria sint latera, duarum autem quadrifecantium quatuor extremitates, quarum nulla terminari potest in angulo, nec binæ in uno, binæ in alio latere; necesse est, ut duæ illarum occurrant uni lateri, singulæ vero reliquarum singulis reliquis lateribus. Illud vero latus, cui duæ occurrunt quadrifecantium extremitates, ex inventa æquatione cognovi, plerumque tantum esse medium, nunquam maximum, raro minimum; nempe tum demum, cum Triangulum scalenum quam proxime ad isopleuron accedit. Sequitur nunc ipsa Propositio-
nis

Analysis:

TAB. IX.
Fig. IV, V, VI. Sit factum, estoque Triangulum Scalenum ABC (*fig. IV, V, VI*) quadrifectum per rectas DE, FG , se mutuo secantes ad rectos angulos in H . Demissis in latus AC (productum, si opus sit,) tribus perpendicularibus BK, EL, GI , ductisque ex puncto H aliis tribus rectis ad singulos angulos figuræ, HA, HB, HC , sunt

$HC = a$

AC=a erit $\triangle ABC = \frac{1}{2}ad, \triangle DEC (\triangle FAG) = \frac{1}{4}ad, \triangle DHF (\text{Trap. HEBG}) = \frac{1}{8}ad.$

CB=b $EL = \frac{\triangle DEC}{\frac{1}{2}DC} = \frac{ad}{2x}$ GI = $\frac{\triangle FAG}{\frac{1}{2}AF} = \frac{ad}{2y}$;

BA=c BK.EL::BC.EC::KC.LC. Hinc in IV, & VI Fig. - - - in V. Fig.

KC=e KA=f $d \cdot \frac{ad}{2x} :: b \cdot \frac{ab}{2x} :: e \cdot \frac{ae}{2x}$ DL(CD-CL)= $x \cdot \frac{ae}{2x}$, DL(CD+CL)= $x \cdot \frac{ae}{2x}$.

CD=x AF=y BK.GI::BA.GA::AK.AI in IV & V Fig. - - - in VI. Fig. 4.

$d \cdot \frac{ad}{2y} :: c \cdot \frac{ac}{2y} :: f \cdot \frac{af}{2y}$ IF(AF-AI)= $y \cdot \frac{af}{2y}$, IF(AF+AI)= $y \cdot \frac{af}{2y}$.

DF. DC :: $\triangle DHF. \triangle DHC$

$x+y-a. x :: \frac{ad}{8} \frac{adx}{8x+8y-8a}$

$\triangle DEC - \triangle DHC = \triangle CHE.$
 $\frac{ad-adx}{4} \frac{adx}{8x+8y-8a} = \frac{adx+2ady-2aad}{8x+8y-8a}$

CE. EB :: $\triangle CHE.$

$\frac{ab}{2x} \frac{ab}{2x} :: \frac{adx+2ady-2aad}{8x+8y-8a}$

$\frac{2dxx+4dxy-5adx-2ady+2aad}{8x+8y-8a}$

Similiter DF.

AF. :: $\triangle DHF. \triangle AHF$
 $x+y-a. y :: \frac{ad}{8} \frac{ady}{8x+8y-8a}$

$\triangle FAG - \triangle AHF = \triangle AHG.$
 $\frac{ad}{4} \frac{ady}{8x+8y-8a} = \frac{2adx+ady-2aad}{8x+8y-8a}$

AG. GB :: $\triangle AHG.$

$\frac{ac}{2y} \frac{ac}{2y} :: \frac{2adx+ady-2aad}{8x+8y-8a}$

$\triangle GHB.$

$\frac{4dxy+2dyy-5ady-2adx+2aad}{8x+8y-8a}$

$\triangle EHB + \triangle GHB$

=Trap. HEBG

$\frac{2dxx+4dxy-5adx-2ady+2aad}{8x+8y-8a} + \frac{4dxy+2dyy-5ady-2adx+2aad}{8x+8y-8a} = \frac{ad}{8}$

unde reperitur $yy=4ay-4xy-2\frac{1}{2}aa+4ax-xx$, pro priore Equatione.

Rurfus quia Triangula GIF, DLE sunt similia, cum habeant angulos ad I & L rectos, ac praeterea angulum DEL (qui anguli EDL complementum existit) aequalem angulo GFI, qui ejusdem quoque EDL est complementum, ob angulum DHF rectum; hinc erit GI. IF. :: DL. EL. & proportione ad aequalitatem reducta,

$\frac{ad}{2y} \cdot \frac{af}{2y} :: x \cdot \frac{ae}{2x} \frac{ad}{2x}$ | $y = \frac{1}{2}af + \frac{aadd}{4xx+2ac}$; sive, in omni

Triangulo, substitutis loco perpendicularis d, & segmentorum basis, e, f, eorum valoribus (utpote qui ex datis Trianguli lateribus a, b, c, facile innotescunt) habebitur pro altera Æquatione,

$$aaax - bbxx + ccxx - \frac{1}{2} a^4 + \frac{1}{2} aabb + \frac{1}{2} aacc$$

$$yy = \frac{4xx - aa - bb + cc}{4xx - aa - bb + cc}.$$

Qua porro cum priore debite collata obtinetur sequens Æquatio determinata octo dimensionum, solutumque est Problema:

$$x^8 - 8ax^7 + 17aax^6 - 10a^2x^5 - 4\frac{1}{4}a^4x^4 + 5a^5x^3 - \frac{1}{4}a^6xx - \frac{1}{2}a^7x + \frac{1}{16}a^8 = 0$$

$$+ 3bb - 2abb - 9\frac{1}{2}aabb + 12a^2bb - 1\frac{3}{4}a^4bb - 2\frac{1}{2}a^5bb + \frac{3}{4}a^6bb$$

$$- 3cc + 2acc + 6a^2cc - 6a^3cc + aab^4 + a^5cc - \frac{1}{8}a^6cc$$

$$- \frac{3}{4}b^4 + ab^4 - 1\frac{1}{4}aabbcc - 2a^3b^4 + \frac{1}{4}a^4b^4$$

$$+ 1\frac{1}{2}bbcc - 2abbcc + \frac{1}{4}aac^4 + 2\frac{1}{2}a^2bbcc - \frac{3}{4}a^4bbcc$$

$$- \frac{3}{4}c^4 + ac^4 - \frac{1}{2}a^3c^4 + \frac{1}{16}a^4c^4$$

Quod si expuncta litera c, æquatio instituat in literis a, & c: tunc quindecim membris evadet brevior, ultimusque terminus trium tantum erit membrorum: Si loco incognitæ x ponatur FC, pro AC vero 2a, CB 2b, BA 2c, rursus devenietur ad Æquationem totidem dimensionum, sed secundo termino & fractionibus carentem; &c.

SCHOL. I; Si rectæ DE, FG (Fig. IV, V, VI) sigillatim bisecent Triangulum ABC, sitque DF = AD + FC + $\sqrt{2ADq + 2FCq}$; tunc quadrifecabunt Triangulum; & si quadrifecent, erit DF = AD + FC + $\sqrt{2ADq + 2FCq}$. Fluit hoc Porisma ex priore æquatione indeterminata, quæ quadrifecionem respicit, $yy = 4ay - 4xy - 2\frac{1}{2}aa + 4ax - xx$. Etenim si ponatur AD = p, FC = q, DF = Z; adeoque $y = p + Z$, $x = q + Z$, $a = p + q + Z$: atque hi valores loco literarum y, x, a

in æquatione hac substituuntur, prodibit $Z = p + q + \sqrt{2pp + 2qq}$.

Quare si quadrifecum sit Triangulum per rectas DE, FG, sitque AD = FC, erit DF = 4 AD, & tota AC = 6 AD: Si vero AD = 1, FC = 7, erit DF = 18: si illæ = 7 & 17, erit hæc = 50: si illæ = 7 & 23, erit hæc = 64. &c. Sequitur etiam, si data quædam recta linea AC, modo quo requiritur, secta sit in D & F, & qualecunque Triangulum super data AC constitutum fuerit, posse ex punctis sectionis duas inflecti rectas, quæ Triangulum illud quadrifecent.

II. Ex collatione porro utriusque æquationis indeterminata constare potest, latus illud Trianguli, in quo terminantur duæ quadrifecantium normalium extremitates, nunquam posse esse maximum: Nam AD existente =p, & FC =q, DF est =p + q + √ 2pp + 2qq

per r schol; adeoque tota AC (a) = 2p + 2q + √ 2pp + 2qq, CD (x) = p + 2q + √ 2pp + 2qq, AF (y) = 2p + q + √ 2pp + 2qq; hinc posita b < a, seu bb < aa quantitate aliqua l, ut sit bb = aa - l; si pro literis a, b, x & y, aut aa, bb, xx, yy, hi valores, eorumve quadrata in æquatione altera yy =

$$\frac{aaxx - bbxx + ccxx - \frac{1}{2} a^4 + \frac{1}{2} aabb + \frac{1}{2} aacc}{4xx - aa - bb + cc}$$

subrogentur, & æquatio ita ordinetur, ut cc ab una parte extet sola,

$$\text{reperietur } cc = \frac{32p^3q + 52ppq^2 + 56p^2q^2 + 34q^3 + 3pp^2 + 2pq^2 + 24ppq - 2pq^2 + 3qq^2 + 2q^3}{2p^2 + 2qq}$$

& quandoquidem valore ipsius $\sqrt{2pp + 2qq}$

aa, ad fractionem ejusdem nominis redacto, inveniatur tantum aa =

$$\frac{28p^3q + 50ppq^2 + 52p^2q^2 + 34q^3 + 20ppq^2 + 36p^2q^2 + 24q^3 + \sqrt{2pp + 2qq}}{2pq + 3qq + 2q}$$

manifestum est, cc > aa, & c > a. Eodem pacto, si supponatur c < a, reperietur b > a. Quare a, non potest esse latus maximum.

At vero quia si ponatur b > a, seu bb > aa, quantitate quapiam m, reperietur cc =

$$\frac{32p^3q + 52ppq^2 + 56p^2q^2 + 34q^3 - 3ppm - 2pqm - 24p^2p^2q + 40ppq^2 + 24q^3 - 2pm}{2p^2 + 2qq}$$

adeoque cc = aa =

$$\frac{4p^3q + 2ppq^2 + 4p^2q^2 - 3ppm - 2pqm + 4ppq^2 + 4p^2q^2 - 2pm}{2pq + 3qq + 2q}$$

evidens est, c posse esse > vel < a, prout hæc quantitas vel positiva est vel negativa, id est, prout $4p^3q + 2ppq^2 + 4p^2q^2 + 4p^2q^2 - 4p^2q^2$

$\sqrt{4p^2q^2} \sqrt{2pp^2 + 2qq^2} > \text{vel} < \text{est, quam } 3ppm + 2ppqm + 2pm^2$

$\sqrt{2pp^2 + 2qq^2}$ sive prout $p^2 + q^2 M^2 q^2$ $\frac{-2p - 89Mpq}{3p^2 + 2q^2 + 2\sqrt{2pp^2 + 2qq^2}}$

$>$ vel $<$ m, quorum utrumque fieri potest. Quare si major sit, latus a utroque reliquorum b & c minus erit; sed tum alia quoque duæ normales e medio latere inflecti possunt, idem Triangulum quadrifecantes; ut si a=484, b=490, & c=495, possunt optata recta educi tum ex latere a, segmentis ejus existentibus 62, 324, 98; tum ex latere b segmentis ejus factis circiter 131, 339, 20.

III. In Triangulo Rectangulo & obtusangulo latus a, in quo terminantur duæ quadrifecantium normalium extremitates, necessario medium est: cum enim subtensa anguli recti vel obtusi esse non possit (quia maximum latus esse non potest, ut jam ostensum hinc vel b, vel c subtensa hæc erit; adeoque ejus quadratum vel = vel $>$ aa + quadrato alterius, id est, (si & altera hæc supponatur $>$ a) majus duplo aa, quo tamen multo minus esse ostendit calculus.

IV. Latus, e quo inflectuntur ambæ quadrifecantes normales, medietate alterutrius reliquorum semper majus est, quoniam enim $\Delta DHF = \text{Trap. HFCE}$, erit $\Delta DHF > \Delta HFE$, & $DH > HE$; cumque anguli DHF, EHF recti, & HF perpendicularis communis, erit

$DF > FE$, & $DC > FE + FC > EC$. Hinc quia $CE = \frac{ab}{2x}$, erit $x > \frac{ab}{2x}$, & $xx > \frac{ab}{2}$, & $aa (> xx) > \frac{ab}{2}$, & $a > \frac{1}{2}b$, Similiter quoque

ostendetur $a > \frac{1}{2}c$. Hinc in solo Triangulo oxygonio, & quidem illo tantum, quod æquilatere affine est, latus minimum optatam proprietatem habet, ut recipere possit duas normalium quadrifecantium extremitates

V. Posito a latere medio, b minimo, & c maximo; nempe $bb = aa - l$, & $cc = aa + m$, substitutisque in reperta Equatione his valoribus, exurgit $4p^3q + 2ppqq + 4pq^3 + 4ppq + 4pqq \sqrt{2pp^2 + 2qq^2} = 2ppqm - 2pql + 3qqm - 3ppl + 2qm - 2pl \sqrt{2pp^2 + 2qq^2}$; unde liquet, quia prior pars est positiva, alteram quoque talem esse debere; adeoque

MENSIS NOVEMB. A. M D C LXXXVII. 623

adeoque si $m = \text{vel} > l$, q fore $> p$; si vero $p = \text{vel} > q$, m fore $> l$: id est, si differentia quadratorum lateris maximi & medii æqualis vel minor est differentia quadratorum medii & minimi, tunc segmentum lateris medii adjacentis lateri minimo majus est segmento adjacenti lateri maximo; sin vero hoc segmentum æquale vel majus illo, tunc differentia illorum quadratorum major est differentia horum. Prætereo alias Problematis determinationes.

*SCIATERICUM TELESCOPICUM; OR A
New Contrivance of Adapting a Telescope to an
Horizontal Dial &c. by William Molyneux Esq. Fellow of
the Royal Society, and of that in
Dublin. b. est*

Guilielmi Molineusii, Equitis, & tam Regiæ quam
Dublinensis Societatis Socii, Novum inventum ada-
prandi Telescopium Sciaterico Horizontali, ad ob-
servanda temporis momenta interdiu atque
noctu &c.

Dublino, ap W. Norman, 1686.

Libellus hic, in quo nobilissimus Autor novum suum inventum proponit & explicat, undecim absolvitur capitibus: in quorum primo de usu hujus inventi agit, eumque non solum ad observationes astronomicas se extendere, sed etiam specialiter in Geographia & Nautica exerere ostendit circa longitudes locorum determinandas: Quippe ad quas, sive ope Eclipsium Solis, Lunæ & Stellarum, sive Satellitum Jovis immersione in ejus umbram aut emersione ex ea, instituendas vel maxime requiratur exactum temporis momentum, sine quo distantia horaria locorum observationis incerta est cum ipsa longitudine. Capite secundo rejiciuntur methodi observandi temporis momenta nunc usitata, partim quia incertæ, partim quia nimis operosæ. Sciaterica enim si parva sunt, Autoris judicio, non admittunt divisionem in minuta & minutorum partes secundas & tertias &c; Si magna, ob magnitudinem

gnum gnomonem, umbram habent nimis incertam, & ad accuratas observationes usui esse nequeunt: utraque vero de die tantum, & Sole intense lucente, usurpari possunt. In capiendis autem die noctive Solis aut stellarum altitudinibus & azimuthis, multa requiritur opera in magnis Instrumentis & obtinendis & tractandis; cui accedit labor calculandi triangula Sphærica obliquangula difficillimus: Quo quanquam non indigeat illa methodus, qua tempus satis commode ex appulsu Solis aut fixarum ad meridianum, aut circum-polarium ad eundem verticalem cum Polari observari potest; eam tamen non semper adhibere licet, cum non quovis instanti talis stellarum positus contingat. Suum ergo inventum Autor, quod quovis momento in usum traduci aptum sit, & reliquis quoque non laboret incommodis, cæteris longe præstare contendit. Capite

TAB. IX.
Fig. VII.

tertio ipsum describitur Sciatericum Horizontale magnum in horas & minuta divisum, cujus diameter 18 pollicum, instructum stylo quadrangulæ satis valido, cujus dorso *malb*, $\frac{1}{10}$ pollicis lato, inhæret cochlea *mas*, cujus ope cochlea *formina* cum brachiolis *op*, quæ sustinendæ regulæ dioptricæ *ef* inserviunt, & attolli & deprimi potest. Circa centrum enim Horologii moventur duæ regulæ *cd*, *cd* quæ Horizontales vocantur, quibus junctæ totidem aliæ *ef*, *ef*, quæ Stylares audiunt, & tam vitrum Objectivum *i* & oculare *b*, quam mensuratorem *g*, (quem vocat) seu pilos se invicem decullantes gerunt. Unum par in Fig. 7 eo in positu exhibetur, quem tempore observationis habere debet; alterum vero sciaterici plano otiosè incumbit; quod enim antemeridianis Observationibus inservit, pomeridiano tempore nullius usus est. Cæterum quævis stylaris regulæ suæ Horizontali ita artificiosè combinata est, ut sursum & deorsum, dextrorsum & sinistrorsum moveri possit, ita tamen ut latera horizontalis & stylaris regulæ Gnomoni proxima, semper sint in eodem plano, & secum invicem, & tempore observationis eum latere quoque gnomonis ipsis correspondente. Cum vero non cujusvis sit hanc divinare fabricam, hinc eadem capite *quarto* dilucide satis explicatur. Capite *quinto* docetur, quomodo Mensurator in debitum redigendus situm, ut non solum in legitima positus sit a vitro objectivo distantia; sed etiam lineæ Collimationis per mensuratorem ad Objectum sit parallela lateri Regulæ stylaris, ita ut

Men-

Mensurator nec declinet in sinistram nec in dextram, nec sit altior nec demissior, quam opus est. Duæ vero ad hoc præstandum viæ ostenduntur, quarum prima cum suppleri possit id, in quo methodus Sturmiana, in Actis anno 1684 p. 579 a nobis tradita, ab Autore nostro deficere judicatur (ob axem visionis etiam in tubis quadratis non rectificatis lateribus non parallelum) brevibus eandem hic inferemus: Sumantur duo paxilli ex fortissimis filis metallicis, utpote in quibus latera necessario sibi invicem parallela, & jungantur plano cuidam ita, ut longitudine pollicis atque amplius promineant. Deinde planum ita disponatur, ut illi clavi horizonti fiant exacte paralleli, & assumatur regula telescopica (aut tubus quadratus) cujus latera exactissime parallela, (quomodo vero hic parallelismus examinandus, haut ab simili modo Autor antea docuit) partique paxillorum superiori ejus basis imponatur, latus vero plano admoveatur & observetur remoti cujusdam objecti punctum, in quod Mensurator incidere videtur: postmodum invertatur regula, ut latus superius jam incumbat paxillis, & eodem modo ejusdem objecti fiat observatio. Si mensurator jam eidem adhaerescat puncto, linea collimationis exacte parallela est lateribus regulæ telescopicæ: Si autem versus dextram aberret mensurator, idem sinistrorsum promovendus; sin Mensurator adplicari videatur puncto, quod priori ad sinistram adjacet, dextrorsum removendus erit. *Sexto* Capite ostenditur, quomodo Sciatericum telescopicum rite paratum in debitum situm collocandum sit; & cum ad hoc efficiendum linea meridiana requiratur, affertur Cap. *Septimo* Methodus eandem inveniendi, ope instrumenti cujusdam Triangularis simplicissimi ABE, quod angulum exactissime rectum habet, & præterea brachiolum cum cochlea D, nec non aliam cochleam E; quibus ita disponi potest, ut ab inclinatione undecunque liberum plano Horizontali exacte congruat. Converti autem potest circa centrum F, & clavos rotundos aneos pro libitu infixos 1, 2, 3, 4 &c. habet, quibus, ut & paxillo G, regula telescopica CH imponitur, a lapsu munienda cochleola quadam, quæ paxillo G adaptatur. Usus ejus ita se habet: Tempore antemeridiano Solstitii æstivi, v.g. hora 9, ita disponatur regula telescopica, ut Solis centerum exacte respondeat mensuratori, statimque ducatur

TAB. IX.
Fig. VIII.

linea aliqua in plano Horizontali juxta latus *mn*: hora dimidia elapsa ad alium paxillum attollatur regula, & rursus capiatur Solis altitudo, ducaturque alia linea in plano Horizontali: id quod tandem repetatur, donec habeas tres aut quatuor observationes antemeridianas. Pomeridiano tempore curiose observetur (descendendo per eosdem paxillos, quibus adscendebatur ante meridiem) quando Sol easdem obtineat altitudines, ut totidem ac antea lineæ in plano Horizontali designari queant. Tandem anguli omnes ex puncto *F* bifecentur. Linea enim, quæ omnes bifecat, verissima est Meridiana. Hæc ergo methodus, cum ope stellarum, quæ duas aut tres circiter horas a Meridiano distant, eadem ratione noctu etiam in usum transferri possit, Cl. Inventori nulli earum, quæ hactenus excogitatae sunt, inferior jure videtur. Sequitur jam caput *octavum*, quod Sciatherico telescopico utendi rationem tradit. Nempe instrumento in debitum situm redacto, regula stylaris seu telescopica ad Solem dirigitur, ita ut mensurator centrum Solis respiciat: tunc enim regula Horizontalis in limbo abscindit horam & minuta exactissime. Si noctu stella observetur, regula Horizontalis abscindit stellæ distantiam horariam a meridiano, cujus ope facile tempus quæsitum invenitur. Quamvis vero tempori inveniendò hoc instrumentum præcipue dicatum sit, additur tamen hoc loco, quomodo ejus adminiculo ascensiones rectæ stellarum facillime investigari possint. Capite *nono* Tabb. Ascens. rect. explicantur: *decimo* vero Astronomica temporis Æquatio ex *Flamsteedii Dissertatione operibus Horroxii posthumis subjuncta* dilucidatur. Quæ doctrina etiam ad horologia adplicatur, ostenditurque quomodo horologia pendulis instructa juxta Tabb. ad id computatas corrigi debeant. *Ultimo* tandem capite monstratur usus & calculus Tabulæ stellarum circumpolarium: v. g. Quomodo ope sili ferici, aut metallici, plumbo onerati possint horæ & minuta nocturni temporis deprehendi: Quomodo duorum talium filorum adjumento linea meridiana curiose possit noctu inveniri: item quomodo ex observationibus harum stellarum horologia, clepsydrae &c. optime possint corrigi. Adjectæ vero calci libri sunt Tabulæ Ascens. rect. Solis, & plures aliæ ad usum hujus instrumenti expeditiorem necessariae.

FRANCISCI SPOLETI DISSERTATIONES

duæ: I. de momento, quo gravia nituntur deorsum, per datum planum; quo subjectum planum urgent; & quo planum inclinatum grave deorsum tendit: II. de Secretione bilis in Hepate.

Venetiis, 1686. in 4.

Duæ sunt Dissertationes, quas Autor exhibet, in quarum prima propositio quædam Mechanica, quam proxime elapso anno Romæ ediderat, quamque nonnulli & obscuritatis & infirmitatis damnaverant, uberius confirmatur & proponitur clarius; secunda vero ostenditur quomodo Mechanices ope secretiones fiant.

Propositio vero Mechanica est illa, de qua jam aliquoties actum in Actis Eruditorum anno 1684. p. 511, 1685, p. 262, 501; 1686, p. 96, quod nempe momentum gravis in plano inclinato ad suum momentum totale sit ut perpendicularum ad hypothenusam. Hanc ut contra Doctorem Lucensem demonstret, ita procedit:

Sit AD ad DC ut 4 ad 5, incumbatque plano CD sphaera O; ducatur Diameter NG & expuncto sustentationis F linea FI. Hoc facto concipit NG ut jugum libræ, cujus brachia inæqualia NI & IG, centrum vero motus I. Postea investigat soliditatem partis Sphæra NI, quam, posita totius Sphæra soliditate 20000000 lb̄ invenit esse 560000 lb̄; nec non segmenti IG, 19440000 lb̄. Tandem horum segmentorum centra gravitatis quærit: & in minori illud

centrum 678571 $\frac{240000}{560000}$ partes, quarum Diameter est 20000000,

in altero majori 8250000, ab I distare probat; concluditque partis NI momentum esse 38000000000, partis vero IG 16038000000000: ita ut excessus momenti partis IG supra momentum partis NI sit 16000000000000, quo scilicet Sphæra O deorsum nititur per planum inclinatum AC. Cum vero totius Sphæra soliditas in radium ducta exhibeat ejus momentum in plano perpendiculari NV, 200.000.000.000.000: tandem colligitur, momentum, quo Sphæra deorsum tendit in plano inclinato dato, esse ad ejus momentum absolutum ut 16 ad 20, hoc est ut 4 ad 5. Subjungit

Kkkk a

huic

TAB. IX.
fig. IX.

huic breviorē aliam demonstratiōem, idem generaliter evincētem, & in Corollario prioris demonstratiōis, summam momentōrum corporis gravis in duobus planis inclinatis, juxta casum ab I.F.V. Act. anno 1684, p. 511 propositum, esse dicit ad ipsius momentum totale, ut 7 ad 5, non vero ut 5 ad 5, ut recentiores quidam opinentur. Ob argumenti affinitatem adhuc duæ propositiones adjunctæ sunt, quarum prima docet momentum gravis in plano inclinato (hoc est, momentum quo grave substratum planum urget) ad suum momentum totale esse, ut sinum versus anguli inclinatiōis ad sinum totum; altera ostendit, momentum plani inclinati gravis (hoc est, momentum quo planum inclinatum deorsum tendit.) ad suum momentum totale esse, ut sinum rectum anguli inclinatiōis ad sinum totum.

In secunda Dissertatiōe Autor suam de secretiōe animalī sententiā expositurus, rejicit tam illorum opiniōem, qui eam per solam cribratiōem exponunt, quam eorum, qui eam mediantibus peculiaribus in vasculis secretoriis fermentis fieri putant. Illis enim obstare censet partim, quod fluidi particulae, non solo contactu, ceterum ab ipsis supponitur, sed etiam vinculo quodam plus minus valido vinciantur; partim etiam quod sequeretur, per vasis cribratorii poros non solum particulas ejusdem figuræ & magnitudinis cum poris, sed minores quoque transire, adeoque exilioris liquidi egressum coerceri non posse. His vero objicit vertiginosos istos motus, qui in omni fermentatiōe obtinent, in angustissimis Vasorum Canaliculis celebrari non posse. Autoris vero sententiā propria hæc est: Nullum a sanguine fecerni posse humorem, nisi prius disrumpatur Mechanice ope nexus ille, quo fecernendi humoris particulae cum reliquis colligantur; ulterius autem aptos requiri poros, per quos dissolutæ particulae a sanguineo gurgite eliminantur. v.g. Spiritus in cerebro fecerni, quia ibi jam dissoluti sunt Mechanice vi a reliquo sanguine, & aptum inveniunt filtrum, per quod in nervos effluere possunt. Hæc ut confirmet & declaret, supponit (1) Miscibilia, quo magis agitantur & contunduntur, eo magis ipsorum particulas subdividi. (2) Quo minores in particulas miscibilia fluida dividuntur, eo validiori deinde stringi nexu, tum quia major est in parvis quam in magnis corporibus superficies, tum quia ob parvitatem molis de-

crescit

crescit illa vis, qua unum fluidum ab altero se jungi nititur. (3) Si fluidum heterogeneum per tubum Conicum a basi ad apicem tradatur, dissimiles illius particulas inter se colligatas se jungi posse: quum particulae quae per axem impelluntur, nullum offendant obicem; reliquae vero, quo magis ab axe recedunt, eo citius internam conii superficiem offendant, & destitutae vel imminutae motu celerem aliarum fugam comitari nequeant. (4) Si duae quaecunque particulae simul colligatae tradantur in canaliculum, cujus amplitudo minor est crassitie illarum simul sumtarum, hanc ab illa ibidem se jungi posse. (5) Si plura corpora plus minus valido colligata nexu a communi aliqua facultate comprimantur, prius exprimi quod minus cohaeret. (6) Datum humorem secerni non posse in illis vel arteriis vel venis, per quas minori ruit sanguis tempore, quam quod requiritur ad secretionem dati humoris. (7) Si eadem copia liquidi per inaequales Sectiones aequali tempore transeat, sectiones esse inter se reciproce ut velocitates. (8) Singulas corporis nostri arterias esse Conicos tubos, in quibus a majori ad minorem cavitatem sanguis impellitur. (9) Diametrum datae venae ad diametrum sociatae arteriae, minorem habere proportionem dupla: solam diametrum venae portae ad diametros arteriarum coeliacae & mesentericae simul sumtas multo majorem habere proportionem. (10) Omnibus in venis ab angustiiori ad ampliorem cavitatem progredi sanguinem, solum in vena portae ex capaciiori alveo in tenuissimos dividi rivulos per jecoris parenchyma distributos. Ex hisce praesuppositis non tantum sententiam suam declarat, sed in specie quoque ad bilis secretionem descendit: Sanguinem scilicet in liene quadantenus solvi, semifolutum progredi in venam portae, ubi tardius moveatur, ne bilis particulae magis dividantur, sed potius dispersae simul coeant; tandem vero crassiores bilis particulas hepatis parenchyma ingressas, in tenuissimos venae portae canaliculos distribui, & in ipsarum angustiis facillime a sanguine secerni.

RAYMUNDI MARTINI ORDINIS PRAEDICATORUM PUGIO FIDEI ADVERSUS MAUROS & JUDEOS, CUM OBSERVATIONIBUS JOSEPHI DE VOISIN, & INTRODUCTIONE JO. BENEDICTI CARPZOVII, QUI SIMUL APPENDICIS LOCO HERMANNI JUDEI OPUSCULUM DE SUA CONVERSIONE EX MSCO BIBLIOTHECA PAULINAE ACAD. LIPS. RECENSUIT.

Lipsiae, Sumptibus Haered. FridERICI LANCKISII, 1687, in fol.

Sextus & decimus jam vertitur annus, ex quo summe Venerandus
 Sⁿoster Carpzovius sui in Professione Hebræa celeberrimi Ante-
 cessoris & de tota Ecclesia Orthodoxa longe meritissimi Theologi
 D. Geieri b. m. vota expleturus, Operis a *Raymundo Martini* con-
 scripti, & Parisiis a *Josepho de Voisin* cum observationibus in lucem
 publicam emissi, novæ editioni in popularium usum parandæ ma-
 num admovere cœpit, sed certior redditus hoc negotium jam oc-
 cupasse Virum quendam celeberrimum, quicquid de Raymundo
 Voisiniano mente conceperat, prorsus deposuit. Ast cum alte-
 rius editio per sedecim annorum spatium expectata non prodiret,
 & superiori anno ad finem decurrente aliquid ad prelum ab ipso
 posceretur, ad vetus illud propositum quasi postliminio reversus,
 Pugionem illum Raymundi cum Voisinii observationibus inte-
 grum e Parisina editione exprimendum dedit, nihil quicquam im-
 mutans, & ne paginarum quidem numeros, quos ideo ad oram ubi-
 que describi jussit, ut indices primæ editionis locupletissimi eo
 respicientes nullius emendationis indigerent. Ut tamen orbem
 litteratum, quem ob præclara ingenii subtilissimi monumenta jam
 obstrictissimum habet, sibi magis devinciret, Operi Raymundo-
 Voisiniano non tantum elegans *Hermanni Judæi* de sua Conver-
 sione opusculum, e MSS. Bibliothecæ Paulinæ Academiæ Lipsien-
 sis recensitum subjunxit, sed & succinctam non minus quam accu-
 ratam Introductionem in Theologiam Judaicam præmisit, eamque
 in duodecim capita distribuit, suum cuique summarium una thesi
 rotunde comprehensum præfigens. In *I Capite* ostendit Theolo-
 giam Judæorum, perinde ut Ethnicorum, Muhammedanorum, Hæ-
 reticorum, per abusum Theologiam nuncupari, & adducit varia no-
 mina, quibus Judæi suam Theologiam insigniant. In *II Capite* de-
 clarat, Judæorum nomen initio patronymicum fuisse, sed postquam
 decem tribus superstitute Regno Judaico in captivitatem abductæ
 sint, regnumque adeo Israeliticum deserit, cœpisse hoc nomen re-
 ligionem magis & professionem notare; late igitur sumtum hoc
 vocabulum, & quatenus quidem Religionis nomen est, commode
 tribui etiam iis, qui ante Judam, nominis Judaici autorem, vixere,
 adeoque nil ob stare, quo minus Theologia Patriarcharum cum an-
 te-tum post-diluvianorum dicatur Judaica, cum illorum Theologia

in præcipuis Religionis capitibus quoad rem eadem fuerit cum Theologia, quam post Abrahami & Jacobi tempora credentes profitebantur. Judæos postmodum in Veteres & Modernos ita distinguit, ut Veterum ætatem inde ab Abrahamo, eo quod Deus illo e patria reverso primum sibi populum Judaicum separarit, usque ad adventum Christi deducat; Modernorū inde a Christi adventu usque ad seculi consummationem extendat, insimul observans, Veterum Judæorum Theologiam fuisse veram, Modernorum autem a veritate abire, multisque erroribus scaterere. In *Cap. III* docet, duas sectas, Pharisæorum scilicet atque Sadducæorum, præ cæteris in corrupta Ecclesia Judaica olim eminuisse, & licet alii subinde fuerint, qui in quibusdam ab istis dissentirent, ad alterutram tamen harum vel pertinuisse, vel certe reduci posse. Sic ad Pharisæos, quos ab *Halidais* ortos esse tradit, Essæos referendos esse, cum eadem pene cum illis placita habuerint, nisi quod in villis libentius quam in urbibus Eremitarum more vixerint: utramque etiam sectam tam Hillelistarum quam Schammaistarum hæresi Pharisæorum aperte adhæsisse: Sadducæorum & Bajthosæorum sectam in Schola *Antigoni Sochæi* e male intellecta Præceptoris sententia, *Deo non esse mercedis gratia serviendum*, autoribus *Zadoko* & *Bajthoso* prognatam, unicam esse, nominibus tantum sic distinctam, & a Pharisæis cæterisque Judæis a *Zadoko* potius & frequentius, quam a *Bajthoso* denominatam, quod ille in sententia propugnanda rigidior, hic mollior paulo esset, præterea & ipsi sectarii *Bajthosi* ab altero ejusdem hæreseos Autore *Sadducæi* denominari mallent, ne infamia præceptoris *Bajthosi*, quem spurium esse noverant, sibi pro opprobrio objiceretur: Judæos omnes hodie in duas sectas *Rabbanitarum*, præter *Mosis* & *Prophetarum* scripta, traditiones orales opere *Talmudico* comprehensas amplectentium, & *Karræorum*, legem oralem & traditiones *Talmudicas* omnes rejicientium, nec aliud fidei vivendique rationis fundamentum recipientium, quam solam scripturam *Mosis* & *Prophetarum*, dividi, illosque *Pharisæorum*, hos *Sadducæorum* esse propaginem. In *Cap. IV* observat Sectam *Karræorum* obscuram esse, & *Europæ* propemodum ignoratam, ac paucissimorum librorum ab ipsis editorum, eaque occasione recensitorum, notitiam ad nos pervenisse: Sectam

vero Rabbanitarum prævalere, eique omnes Judæos Europæ incollas esse addictos, adeoque Theologiam Judaicam eandem esse, quæ Rabbanitarum. In *Cap. V* definitionem Theologiæ Judaicæ modernorum Rabbanitarum proponit, propositamque per partes solide enuclat, atque inter alia pervulgatum errorem, *omnes Judæorum traditiones Talmude comprehendi*, perstringit, demonstrando istas duplicis esse generis, Talmudicas alias, alias Kabbalisticas, illasque practicas, circa vetitum & licitum decernentes, has theoreticas, arcanos legis sensus & mysteria ibi recondita recludentes. In *Cap. VI* ad divisionem Theologiæ Judaicæ procedit, ostendens duas illius esse partes, unam **מעשה בראשית** Opus Breschith, alteram **מעשה מרכבה** Opus Mercaba, atque in his tradendis data opera tenebras quærere Rabbinos, ut sese invicem non intelligant ipsimet, ac multo minùs a Christianis solide percipiantur. Ut vero hanc densissimis tenebris involutam, nec ab aliquo hactenus satis explicatam materiam clariorem redderet laudatissimus Autor, primum de partitione illa verba e Joh. Reuchlini lib. I de Arte Kabbalistica, (quæ eidem Archangelum Burgonovensem Commentario in Kabbalistarum dogmata, paucis quibusdam omiſſis, suffuratum fuisse observat) plene in medium adducit, atque ex iisdem ad mentem R. Josephi Castiliensis, quem in hoc negotio secutus est Reuchlinus, Theoremata quædam format, dignissima, quæ, prout ab ipso Autore Celeb. concepta sunt, B. L. oculis subjiciantur. Ita autem, præteritis, quæ ad pleniorum eorum diductionem faciunt, apud illum leguntur:

I. *Prima pars* Theologiæ Judaicæ dicitur **מעשה בראשית** opus creationis, a prima Geneseos voce, qua rerum naturalium creationem describere, Moses incepit: *Secunda pars* dicitur **מעשה מרכבה** opus currus, a visione currus seu quadrigæ Ezechieli facta *Cap. I, 1. sqq.* Illa enim circa res naturales a Mose in primis Geneseos capitibus descriptas; hæc circa res divinas Ezechieli in illa visione revelatas occupatur. II. Opus *Breschith* primo, & opus *Mercaba* secundo loco ponitur, *ordine doctrine*; alias *ordine dignitatis* opus *Mercaba* merito præcedit, & opus *Breschith* sequitur.

III. Utriusque partis *principium* est Scriptura S. traditionibus suffulta, sed aliis traditionibus innititur prima, opus *Breschith*, aliis

aliis secunda, opus *Mercaba*: illa Scripturæ sensum *literalem* & *topologicum*; hæc sensum *allegoricum* & *anagogicum* attendit. Suntque adeo partes omnino distinctissimæ, & nullo modo confundendæ.

IV. Licet distinctissimæ sint partes, neutra tamen sine altera doceri potest. Nam *altera sæpe alterius sensa mutuatur*, & *ad suum desiderium trahit*, h. e. in explicando opere *Breschith* subinde aliquæ traditiones ex opere *Mercaba* allegandæ, & dum opus *Mercaba* addiscimus, sæpe ex opere *Breschith*, quod jam didiceramus, quædam repetenda sunt.

V. Prima pars sive opus *Breschith*, est *practica* & *activa*, atque in faciendo & intermittendo consistit; secunda, seu opus *Mercaba*, est *theoretica* & *speculativa*, atque sola contemplatione absolvitur.

VI. *Objectum* operis *Breschith* est *עולם הזה* mundus præsens, quippe qui corporeus, visibilis, sensibilis & materialis est, atque adeo includitur hic, quicquid ad vitam in hoc præsentis mundo bene traducendam spectat, cura rei tam publicæ quam privatæ, ritus & consuetudines ubique domi ac foris, pace & bello, in forensibus & moralibus observandæ. *Objectum* operis *Mercaba* est *עולם הבא* mundus venturus, quippe qui incorporeus, invisibilis, intellectualis seu mentalis & idealis est, & *הבא* futurus dicitur saltim *quoad nos*, & ratione fruitionis nobis post hunc mundum demum futuræ. *In se* enim ab æterno, adeoque ante hunc mundum fuit, æque ut post hunc mundum in æternum durabit. Huc igitur pertinet, quicquid de Deo, ejusque existentia, essentia, attributis, & cæteris in arbore Kabbalistica delineatis traditur, non exclusis iis, quæ de Sanctis Spiritibus, deque animæ immortalitate ejusque post mortem statu tam beato quam infelici revelata sunt.

VII. Doctores primæ partis, operis *Breschith* dicuntur *Talmudiste*, & hi Scripturam ac comprehensa in ea *613* legis præcepta tam affirmativa quam negativa, non modo per acceptas a Majoribus traditiones explicant, sed & inculcant, atque ad eorum observantiam exhortantur. Doctores secundæ partis, Operis *Mercaba* dicuntur *Kabbaliste*, & hi Scripturam mystico quodam modo a Majoribus accepto exponunt, atque mysteria ibi latentia eruunt.

VIII. *Effectus* operis *Breschith* est timor Dei servilis; operis *Mercaba* timor Dei filialis.

IX. *Finis* partis utriusque junctim sumtæ alius esse non potest, quam totius Theologiæ Judaicæ, nempe חלק לעולם הזה pars in futuro mundo; speciatim tamen finis operis *Breschith* est felicitas corporalis & temporalis sub adventum Messii obrinenda, finis operis *Mercaba* est felicitas spiritualis & æterna, cujus præguustum aliquis ex istis speculationibus in suavissima animi quiete & tranquillitate percipit.

Quibus Theorematis propositis notat R. Mosis Maimonidis doctrinam de opere *Breschith* & opere *Mercaba* a R. Josephi Castiliensis plane esse diversam, & quamvis de utroque opere Majemonidem secutus jam egerit Voisinius in *observat. ad Proæmium*, cum tamen paucissimis; & primoribus saltim labris rem attigerit, illius quoque doctrinam, ut rectius de ea constet, in certa theoremata cogit, quæ in gratiam B. L. huc itidem transferre nulli dubitamus. Sunt autem sequentia: I. Principium utriusque operis *Mercaba* & *Breschith*, est Scriptura S. suis traditionibus innixa, imprimis autem quinque illa Præcepta, primum de Dei existentia *Exod. XX, 2.* secundum de Dei essentia, & quod non alius sit, quam יהוה *Exod. XX, 3.* tertium de Dei unitate *Deut. VI, 4.* quartum de Dei dilectione, *ibid. v. 5.* quintum de Dei timore *ibid. v. 13.*

II. Utrumque opus, opus *Breschith* & *Mercaba* sunt duæ scientiæ Theoreticæ ad Theologiam Judaicam pertinentes, quas conjunctim veteres פרוס *Paradisum*, appellarunt.

III. Opus *Breschith* est Physica, opus *Mercaba* est Metaphysica seu doctrina transcendentalis.

IV. *Objectum* operis *Breschith* sunt orbis cœlestes, stellæ, elementa, homo ejusque essentialia partes, quibus constat, item plantæ, metalla, lapides, &c. *Objectum* operis *Mercaba* sunt Deus & attributa divina, item angeli eorumque gradus & ordines.

V. Utriusque studium studio Talmudico contradistinctum est, neque suscipiendum, nisi ab eo, qui studium Talmudicum absolvit.

VI. Doctrina *Talmudica* de vetito & licito sufficit homini ad salutem: doctrina operis *Breschith* & *Mercaba* tantum facit ad majorem excellentioris Theologi perfectionem.

VII. Commodum ex studio utriusque operis *Breschith* & Mer-

Mercaba ad Theologum redundans, omnino est longe maximum: conducit enim ad meliorem sui cognitionem.

VIII. Non est tamen omnium, in adyta utriusque sapientiæ Breschith & Mercaba penetrare, cum plerumque intellectus ad assequenda hæc Mysteria non sit capax.

IX. In utroque opere docendo cautos esse oportet Magistros, tum circa Auditores, ne quoslibet promiscue admittant, tum circa materiam docendique methodum, ut summa tantum & generalia capita, & ipsa illa non aperte, sed certis obvoluta involucris tradant.

X. Auditores uno plures non admittendi, & unicus ille explorandus primum est, an sit idoneus hujus scientiæ auditor; major tamen intellectus requiritur in auditore operis Mercaba, quam operis Breschith.

XI. Modus & methodus docendi consistit partim in orali traditione generalium doctrinæ capitum, cæteris propriæ Auditoris speculationi relictis, partim in eorum etiam, quæ traduntur, occultatione & obvelatione.

XII. Quantumcunque vero huic studio quis incumbat, nunquam tamen ad *ἀκμὴν* perveniet, hodie præsertim, ubi maxima pars hujus sapientiæ intercedit. Exposita sic utriusque Doctoris Judaici Josephi Castiliensis scilicet & Mosis Maimonidis de opere Breschith & Mercaba diversissima sententia, Maimonidis opinionem, utpote in Talmude traditam inter Rabbinos regnare observat, & epicrisin accuratissimam de argumento hoc in Theologia Judaica difficillimo subjungit, conjiciens, antiquiores Judæos totam Theologiam in has duas partes, *Opus Breschith* & *Opus Mercaba*, adæquate divisam voluisse, quarum illa pro objecto haberet Religionem, prout in Scriptura se Deus cognoscendum colendumque revelavit; hæc vero mere esset *μυστηριώδης*, mystica, & pro objecto haberet mysteria in Religione illa, quæ maximam partem typica erat, inprimis in ceremonialium & forensium legum observatione recondita: postea declinante ad Pharisaismum Judaismo, priorem illam partem in doctrinam Talmudicam degeneravisse, posteriorem vero transisse in nugas Kabbalisticas, itaque veterum Judæorum vestigia legisse R. Josephum Bar Abraham Castiliensem, qui opus Breschith Talmudicis, opus Mercaba Kabbalisticis adscripsit; R.

Mosen Maimonidem autem ad ipsiusmet Talmudis ductum utrumque vindicasse Kabbalisticis, Talmudicæ doctrinæ contradistinctum.

In *Cap. VII* exponit studium Theologiæ a Judæis in tres classes distribui, ac Biblicum pueris & adolescentibus, Talmudicum juvenibus & viris, Kabbalisticum denique senibus assignari docet.

In *Cap. IIX* ostensurus Theologiam Judaicam quoad modum proponendi esse vel mythicam vel manifestam, demonstrat, omnibus Orientalibus rationem docendi parabolicam a multis retro sæculis fuisse frequentatam: quosdam eundem facere Æsopum, notissimum illum fabularum ingeniosarum architectum, cum Asapho, celebri illo in aula Davidis Theologo & Poeta, ob nominis convenientiam: Parabolas de divite epulone & Lazaro Luc. XVI, 19, de operariis in vinea Matth. XX, 1, de quinque prudentibus ac totidem fatuis virginibus Matth. XXV, 1, aliasque, quibus Christus usus fuit, a Judæis Talmudi esse illatas, neutiquam autem, ut perperam statuit Robertus Sheringhamius *Præf. in Codic. Talmud. Jomæ cum versione & Comment. a se editum*, a Christo e Rabbiorum sermionibus excerptas: Fabulas Talmudicas reconditum ac mysticum habere sensum, si vel maxime a rudi atque infrunita inter Judæos plebe ad literam intelligantur: A Maimonide tria hominum genera observari circa has fabulas occupatorum, primum eorum, qui illas credunt ad literam, prout sonant, neque ullam omnino subesse interpretationem mysticam opinantur, sed ea omnia, quam impossibilia etiam sint, pro rebus utique revera existentibus habent; alterum eorum, qui non tantum fabulas sapientum literaliter, ut sonant, intelligunt, sed etiam tanquam stolidas vituperare audent; tertium illorum, qui recte fabulas intelligunt: non solum Maimonidem, sed & alios Rabbinos fabulis Talmudicis mysticum tribuere sensum: errare proin viros doctos, qui talia contra veterum mentem ad declinandum saltim pudorem, quem illa somnia sapientibus moveant, a recentioribus Rabbinis sic excogitari contendunt: a parabolica veterum Judæorum docendi methodo naturam esse distinctionem Theol. Judaicæ in mythicam & manifestam, in quarum priori dogmata sub fabularum tegumentis occultantur discipulorum studio eruenda, in posteriori vero absque omni involuto traduntur manifeste.

In *Cap. IX* tradit divisionem Theologiæ in Cateche

teheticam & *Acroamaticam* esse antiquissimam & Judæis pariter atque Christianis usitatam: R. Mosen Maimonidem in usum Theologiæ Catechetiæ tredecim fidei articulos, Christianæ potissimum religioni oppositos, ad imitationem Christianorum Symbolum Apostolicum profitentium, composuisse, in Judaismo hoc nomine etiam receptos, quippe quos non in scholis tantum memoriæ mandare jubentur pueri, sed & libellis precum insertos quotidie promiscue omnes recitant: præter laudatum R. Mosen Maimonidem de juventute Judaica aliisque Hebræis bene mereri voluisse R. Abrahamum ben Chananja Jaghel, Monzelizensem Italum, scripto catechetico libello, quem Venetiis primum anno Christi 1595 typis Jo. de Gara juris publici fecerit, titulo לקח טוב doctrinæ bonæ ex Prov. IV. 1 mutuato, in quo omnem institutionem Catechetica quadrāginta duabus Rabbini, seu Præceptoris quæstionibus, totidemque discipuli responsionibus absolverit. Cujus Rabbini, Judaismi aliquando acerrimi assertoris, tandem grandævi ejurata religione Judaica ad Christianos transgressi, & Romanam quidem Religionem sub Pauli V. Pontificatu amplexi, Catechismus A. C. 1658 Amstelodami recusus ad verbum postea recensetur, adjecta versione latina ante undetriginta annos a Celeb. Autore summa fide jam adornata.

In *Cap. X* Theologiam Judæorum *Acroamaticam* in *Masorethicam*, quæ pro conservanda legis scriptæ integritate & incorruptione laborat; *Exegeticam*, quæ in verum sensum legis cum scriptæ tum oralis inquit; *Didacticam*, quæ conclusiones seu fidei vitæque canones ac theses utraque lege, scriptæ & orali, comprehensas systematice tradit; *Polemicam*, quæ religionis suæ placita contra extraneos defendit, eorumque vicissim, maxime Christianorum dogmata impugnat; *Historicam*, quæ veritatem traditionum suarum ex antiquitate, & concatenata per quælibet secula propagatione & conservatione demonstrat & vindicat; *Liturgicam*, quæ ritus & ceremonias publice privatimque, quamdiu in exilio versantur, pro diversitate locorum & temporum observandas describit; *Asceticam*, quæ penitentiam, pietatem & cæteras virtutes inculcat, simulque ad patientiam & constantiam, intermixtis consolationibus, exhortatur; *Homileticam*, quæ in habendis ad populum concionibus occupatur; *Kabbalisticam*,

quæ myſteriis investigandis dat operam; diſtribuit, eaſque ſingulas exactiſſime deſcribit, adductis inſimul Autoribus, e quibus lu- culentior earum Theolog. Judaicæ partium notitia hauriri queat. In *Cap. XI* adducit præcipuos Auctores, qui primo ſtatim ſeculo inde a Chriſti in cœlum exaltatione uſque ad noſtra tempora contra Judæos, quamvis diverſimode, ſcripſerunt; ac prudentiſſime monet, optimam & Theologiæ Studioſis maxime proficuum fore rationem, ſi Theologia Judaica ad modum Systematis LL. CC. in Chriſtiano- rum ſcholis uſitati per theſes, & ectheſes traderetur, atque in ſuper innuit, ſeipſum cœpiſſe ſecundum illam methodum a nemine hæc- tenus obſervatam, ſyſtema aliquod Theologiæ Anti-Judaicum Audi- toribus ſuis publice proponere, quod etiam brevi tempore ſperavit abſolutum iri, niſi ad alios labores ipſum Deus vocaſſet: promittit tamen ſe illud, ſupremo Numine vitam, vires & non nihil otii con- cedente horis ſucciviſis continuaturum eſſe, cum nondum ab in- ſtituto prorsus receſſerit; cujus interim ideam exhibuit, ut defici- ente ſe alius ad ſuſcipiendum laborem excitetur, cui lampada pa- ratiffimus, cum omni, quem collegit, apparatu tradere cupit.

In *Cap. XII* agit de præclariffimo opere Anti-Judaico, ſcilicet Raymundi Martini *Pugione fidei*, qui ſeculo XIII, A. C. 1278 ſcriptus totos quadringentos annos in monaſteriis Dominicanorū delituit, donec eum inde Joſephus de Voifin in lucem primus e quatuor MSS. produceret Pariſiis anno 1651 plurimorum testimoniis, approbatio- nibus, encomiis ab Autore Celeberrimo ſingulari ſtudio atque in- duſtria recenſitis, exceptum.

ולקוט הנקרא שמעוני הלא הוא החבר הנדול שחבר הרב
רבי שמעון ראש הררשנים ז"ל מק"ק
ורנקברט:

JALKUT SCHIMHONI: PERA, quæ vocatur, SIMEONEA, ſive opus illud magnum, quod concinnavit Rabbi Simeon
Princ:ps Concinatorum, b.m. Francofurtensis.

Francofurti ad Moenum, anno, 447 computationis mi-
noris hoc eſt, A. C. 1687, in fol. Voll. duo.

Magni

Magni inter suos nominis est operis hujus compilator Rabbi *Simeon*, Synagogæ quondam Francofurtanæ concionator: de cujus ævo inter eruditos non equidem satis constat; floruisse tamen anno mundi 5070 (Christi 1310) putatur R. *Asaria* in Meor Enajim, quem sequuntur R. *David Gans* in Zemach David anno 5070 & R. *Schabbethai Strimer* in Siphte Jeschenim f. 99. col. 4.

Argumentum libri (*collectanea Medraschica in universa Biblia complexi*), notius est, quam ut pluribus enarrari opus sit. Conferantur modo, quæ de eo obiter in Actis anno 1684. p. 8. 9. diximus, dum aliud *Jalkut* sive *Peram Rabbinicam* (ab autore R. *Ruben* filio R. *Hoschke Rubeniticam* cognominatam) excuteremus.

Quamvis autem & *Thessalonica* & *Venetis* & *Cracovia* & *Liburni* *Jalkut* hoc editum fuerit, editionum tamen harum exempla, quotquot hodiernum supererant, non nisi magno ære indicari consueverant. Unde Judæis non minus ac nostratibus Rabbinicæ literaturæ cupidis gratissimam hanc Francofurtensem fore, nulli dubitamus. Est ea ad *Liburnicam* editionem exacta ac recensita, sique chartam & typos spectes, nitidior est omnibus omnino, quotquot in Germania impressi sunt, Rabbinicis cujuscunque generis libris, adeo ut hac in parte nihil cedat elegantissimæ *Abarbanelis* anno superiori apud nos curatæ editioni.

ספר בית יהודה והוא חידושי תוספות שבאגרות ששה מסכתות
דהיינו יבמות כתובות קידושין גיטין חולין
כבא קמיה:

SEPHER BETH JEHUDA; Liber DOMUS JUDÆ.
Hoc est: Nova observationes in illas Tosephoth sive Additiones Talmudicas, quæ agunt de Aggadoth sive historiis allegoricis sex tractatum Talmudicorum, nimirum Jebhamoth, Kethubboth, Kiduschin, Gittin, Cholin, Babha Kama. Autore R. Jehuda Ben R. Nisan, p. t. Archisynagogo Calissiensis.

Solisbaci, per Mosen Ben Uri Scharga anno 447.
id est, Christi 1687, in 4.

Sub ipsa auspiciâ Actorum anni 1685 recensuimus *Chiddusche Aggadoth*, sive novas explanationes vel observationes in historias Talmudis *universi* allegoricas, autore *R. Samuele Eliesare Ben Jehuda*. Simili labore quoad sex (in libelli titulo enumeratos) Talmudis tractatus defunctus est adhucdum superstes Calissiensium Archifynagogus *R. Jehuda*, cujus filius *R. Benjamin* presentis opusculi editionem accuravit. Potissimum vero sollicitus autor est de dubiis, quæ authoribus *Tosephoth* Talmudicarum vel ex *Gemaræ* vel *Glossæ Rascianæ* verbis subnata sunt, aut etiam subnasci debuissent. Eodem studio confecit in eosdem Tractatus *Chiddusche Halacoth* sive *observationes novas in constitutiones juridicas*, hactenus *ἀνεξότῃς*. Illas autem publici quoque juris facere idem autoris filius in se recepit.

Notamus hac occasione *Ebraice* Francofurti anno 444. (i. e. Christi 1684.) in 4. impressum fuisse illum ipsum ספר הגלגולים *Sepher Haggilgulim*, *Librum de Revolutionibus animarum* *R. Isaaci Lorientis*, qui ex Viri perillustris versione in *Kabbalæ Denudatæ* Tomo II Latine extat, *Kabbalæ*que studiosis satis inde innotuit.

JO. CHRISTOPHORI WAGENSEILII, D.

Æ in Acad. Altdorsina Professoris Exercitationes sex, varii argumenti.

Altdorfii Noricorum: prostat Noribergæ, apud Pauli Fürstii hæredes, 1687, 4.

Variæ doctrinæ, quam inusitato exemplo excolit celeberrimus *Wagenseilius*, novum documentum dedit, editis his varii argumenti Dissertationibus; quibus in diversorum studiorum campos effusus, jucundissimas materias inde depromptas ingenio fertili ac præstanti eloquentia pertractavit. Hæ cum inter se, præter elegantiam, quæ omnibus propria est, nihil commune habeant, singulas recensere & præcipua earum capita annotare juvabit. PRIMA de *Symbolorum heroicorum*, quæ Galli *Devises*, Itali *Imprese* vocant, natura & constitutione agit, & quanta ingenii præstantia, quanto doctrinæ apparatu, ad conficienda ea opus sit, & quam pauca

pauca, imo nulla hactenus vulgata omni ex parte mensuras & leges eorum impleant, ostendit. Præcipuus qui artis hujus præcepta tradiderit, laudatur *Emanuel Thesaurus*, qui ex ipso Aristotele, etsi in argumentis aliis is versatus esset, ea depromserit, inque artis formam, edito libro Italico, hanc scientiam redegerit. Ex hoc potissima capita in Latinam conversa linguam a p. 14. usque ad p. 43. profert, & ad ea exactum adeo celebratum Ludovici XIV moderni Gallorum Regis heroicum symbolum, quod Solem universum terrarum orbem illustrantem, adjecto lemmate, *Nec pluribus impar*, exhibet, non satis sibi constare asserit p. 8 & seqq. etsi Menestrierius singulari opere, sub titulo *La devise du Roy justifiée* Parisiis 1679 edito, istud numeris omnibus absolutum demonstrare allaboraverit. Longe accuratius ad leges hujus artis (cujus inventionem Paulo Jovio tribuit, excultam autem eam a Scipione Bargaglio tradit) compositum, inque ideam symboli perfectissimi coelo quasi descendisse Ludovici XII Gall. Regis symbolum, quod histricem undique aculeos jaculantem cum lemmate, *Eminus & Cominus*, referebat, ex Thesauo pronunciat, etsi id ipsum etiam non omni censura careat, quam a Thesauo eodem institutam p. 42. memorat, & perfectissimi symboli definitionem p. 40. 41 tradit, a Thesauo concinnatam, qui tantæ difficultatis opus esse asserit symbolum plene planeque perfectum excogitare, ut ingenii humani acies vix ac ne vix quidem sufficiat conficiendo uni, quod omnia requisita (quorum viginti & amplius enumerantur) impleat. Quamvis autem rigide adeo sint symbolicae Thesauri leges, duo tamen a se composita profert ingeniosissimus Wagenfeilius; alterum honori Jo. Lud. Praesidii Consulis Ratisbonensis doctissimi, alterum gloriae Potentissimi Electoris Bavariae *Maximiliani Emanuelis* (cujus celsissimo etiam Nomiini integer hic liber est inscriptus) consecratum: quorum istud Canem portæ custodem, hoc Leonem generosum ore cruento horridum refert; & utrumque non iis solum, quas Thesaurus requirit perfectionibus omnibus, sed pluribus etiam gaudere ostendit.

Exercitatione SECUNDA, postquam arcana quædam stegographica Trithemii & Schvenderi protulisset, ac per sanguinem occulte aliquid nunciandi alteri significandique modos recensuisset, quidque dubitandum circa eos sit monuisset; arcanum

quoddam revelat abs se excerptum e splendido quodam volumine manuscripto, schedas arcanas Paracelsi, Thurnheuseri, Agrippæ, aliorumque magni nominis Alchymistatum, post eorum obitum repertas, complexo; quod ante annos viginti duos in bibliotheca Scorialiensi vidisse se refert, sed in funesto illo Scorialiensi incendio cum universa bibliotheca anno 1671 flammis absumtum fuisse metuit. Hujus arcani, quod a p. 69. ad p. 75 usque fuse describitur, ope amicos toto orbe se junctos, quorum neuter, ubi terrarum gentiumque alter degat, habet perspectum, omnia animi sensa, absque sermone vel literis internunciis, invicem expromere & quasi colloqui posse: eadem etiam opera posse parari candelam, cujus ea indoles, ut quoad homo aliquis superstes vitam agit, flammam ea fervet; illo autem fato suo proximo, exile ac tenue lumen spargat, idque cum mortuo penitus amittat, ex isto manuscripto tradit: præstari tamen a se ea posse, quæ divinum hoc, ut p. 76. appellat, Fragmentum promittit, ipse inficiatur p. 58. Chymicorum autem & Medicorum examini, (quando ex oleo sanguinis humani, cujus beneficio arcanum steganographicum, & candela vitæ fatigue humani æmula constat, adversus epilepsiam, pestem, hydropem, & præcipue podagram, vulnerata item quæcunque, nemini antehac cognita nova remedia peti posse asseritur p. 73.) universa hæc subjicit, quorum suffragia avide procul dubio expectabit orbis litterarius. Subjungitur huic exercitationi libellus Hebraicus *de sanitate conservanda*, versa oratione conscriptus eum in modum, quo Latina lingua sub Scholæ Salernitanæ nomine evulgatus libellus metricus nemini ignotus est, ad cujus imitationem quoque Hebraicum esse confectum, doctissimus Editor p. 77. suspicatur, & a Polono Judæo esse compositum, qui Maimonidem magis quam Galenum familiarem habuerit, etsi ad auctoritatem hujus provocarit; Cracoviæ autem anno 1669 typis vulgatum, indicat.

Exercitatione TERTIA, a Rabbi *Juda Leone* Hebraico idiomate scripta Commentatio historica, de postrema Pragensi invasione a Suecis duce Konigsmarkio anno 1648 facta, exhibetur, quam non indignam existimavit clarissimus Editor, in qua interpretanda & Latine reddenda industriam exerceret. Narrantur hic nonnulla, quæ ab aliis sunt præterita, qui gestorum istorum nar-

rationem contexuerunt; præ cæteris calamitates, quas Judæi in ista expugnatione urbis minoris Pragenfis perpeffi sunt a Suecis militibus, recensentur; & quæ singulis diebus, tam a Suecicis quam Cæfareanis copiis gesta sint, exponuntur.

Exercitatio QUARTA librum Hebraicum Geographicum prodit, quo R. *Petachia* iter, quod is seculo duodecimo per Tartariam minorem & Asiæ quasdam regiones susceperat, ac veterum Patriarcharum, Regum ac Prophetarum sepulchra (de quibus multa fabulosa narrantur, ut de Baruchi p. 177. 192. de Ezechielis p. 179. & seqq. de Esræ p. 185. de Danielis p. 186. sepulchris) inviserat, descriptum est, eum in modum quo R. Benjaminis Tudelensis, cui *Petachias* cœvus censendus, itinerarium compositum est. Ipsum autem *Petachiam* hujus hodieporici autorem non esse, sed alium quendam, & forte fratres ipsius, R. Isaacum & R. Nachmanidem ex *Schedis* ejus, & iis quæ viva voce narrare solitus fuerit, istud collegisse & contexuisse, siquidem de ipso in tertia persona sermo institutus est, annotat Cl. Editor: qui ex MSC. exemplari, quando typis excusam editionem videre ipsi non contigit, librum hunc evulgavit, *Latinamque* ejus versionem adjecit, & depravatorum locorum emendationes p. 201. subnexuit.

QUINTA Exercitatione *Albertum Wallensteinium* Megapoleos & Fridlandiæ ac Sagani Ducem (quem rectius *Waldsteinium* appellari p. 205. asseritur) adolescentem in Academia Altdorsina subritisse ac literis operam dedisse, & anno 1599 Rectore Nicolao Taurello nomen ipsius Academicæ matriculæ insertum, neutiquam vero eum foedo carceri academico unquam intrusum, ob male tractatum famulum, quod vulgo fertur, sed ære solum mulctatum fuisse, ostenditur. Præterea traditur, seditiosorum per Austriam superiorem rusticorum antesignanum, qui *Studiosi* appellatione passim in illorum temporum historia venit, vero nomine *Daniclem Kundmannum* dictum fuisse, natione Bohemum, anno 1620 matriculæ Altdorsinæ inscriptum.

Ultima denique SEXTA Exercitatione jurisjurandi religio proluxa fabella, de Dione quodam jusjurandum, quod morienti patri, opulento viro, Salomoni, de mari non adeundo, peregrinæ item conjugii, de reditu ad ipsam dederat, minus servanti, & propterea

plurimas calamitates ac ærumnas perpeſſo, ac vita tandem miſere privato, inculcatur. Hanc ab Arabibus contextam, ex eorum lingua in Hebræam tranſtulerat *R. Abraham Maimonides* magni illius Moysi Maimonidæ filius: quam interpretationem ab Africanis Judæis Septæ ad fretum Herculeum naſtus clariffimus Editor, commentii hujus amœnitate captus, Latinitate donavit; eruditum Hebraicarum literarum interpretem hoc æque, ac cæteris, quæ memoravimus, monumentis haud alibi obviis, in ſermonem Latinum eleganter converſis, erudito orbi, qui reliquam ejus ſacram & profanam eruditionem ſuſpicit, ſe exhibens.

TAB. X.
Fig. I.

*ANDRÆ ERASMI A SEIDEL, NOBIL. MAR-
chici, de Numo Vetraniſionis aureo ſingulari
Wratiſlaviæ reperto Epifſola ad Amicum.*

Wratiſlaviæ ex Hæred. Baumannianorum typographia
1687, in 4.

Cum nobiliſſimus hujus Epifſolæ Autor rarum *Vetraniſionis* ex *Cauro Numum a Sene non minus generis, quam eruditionis Berneggero, Freinshemio, Grotio, Blancardo*, quin ipſi quoque acerrimo alias ingeniorum cenſori *Tanaquillo Fabro* in notulis ad *Justinum*, paſſim ad invidiam uſque celebratæ, ſplendore venerabili, *Alberto Sebizio* naſtus fuiſſet, eumque uberiori illuſtratione non indignum duxiſſet, horas quas, itineri Italico intentus, Wratiſlaviæ ſubſecivas ducebat, huic argumento impendit, & poſt præmiſſum haud poenitendum Wratiſlaviæ encomium, inter alia quæ ibi ex antiquaria ſupelleſtile rariora deprehenderat, p. 5: gemmam *Claudii in Fœminæ* ibi nobilis gazophylacio ſibi vitam non obiter commendat. Multis deinde pro ſinceritate numi *Vetraniſionis* argumentis allatis, p. 11. Taciti quem ipſe poſſideat ſingularem numum, ipſum ſcilicet Imperatorem cum uxore & tribus liberis, fratrequè *Floriano* exhibentem, indigerat; nec non exquisitum numum conſularem argenteum, *Aufidiæ Gentis*, qui *Urſini & Patini* diligentiam fugerit, per ſe ocyus publico communicatum iri promittit. P. deinde 14. & ſeqq. vitam *Vetraniſionis* ex *Trifſtano* paucis repetit, ſimulque

Numus Vetricionis.

Fig. I.



Numus Furiae Tranquillinae.

Fig. II.



Numus Imperatoris Trajani.

Fig. III.



TABLE OF CONTENTS

Page



1

Table of Contents



1

Table of Contents



1

que p. 15. rectius, si genium veteris Romæ spectes, *Pius, Fortis, Felix,* quam ut quidam nuper voluere, *Fortis, Pius, Felix,* scribi observat. *Salvatoris* postea vocem, de qua tot inter Grammaticos lites exortæ, p. 16. 17. seqq. curate illustrat, & quot modis Servatoris nostri Jesu Christi nomen apud Veteres expressum fuerit, disquirat, sicque Epistolæ eruditæ finem imponit; quam ut plures ejuscemodi, quod non inani spe nobis pollicemur, in amplum rei literariæ & gloriæ simul nobilissimi Auctoris incrementum sequantur, omnes Antiquitatis numariæ studiosi cupide & enixe exposcunt.

Apponimus vero eclypon numi, cujus altera parte visitur Vetrantonis vultus cum inscriptione: D. N. VETRANIO P. F. AUG. Altera pars exhibet Imperatorem tenentem dextera labarum, cui victoria lauream imponit, cum hac notabili inscriptione: SALVATOR REIPUBLICÆ. Numum *Sici* (urbe in Illyrici mediterraneo sita ac Plinio l. III. c. 22. memorata) signatum fuisse, adjectæ literæ SIC certissimo indicio sunt.

AD NUMMUM FURIÆ SABINIÆ TRAN-
quillinae, Aug. Imp. Gordiani tertii Uxoris, Dissertatio; TAB. X.
Fig. II.
authore Otthone Sperlingio, U. J. D.

Amstelodami, apud Henricum Desbordes 1688, in 8.

Nummus hic æreus, cujus eclypon pariter exhibemus, nulli hactenus Antiquariorum memoratus fuit. Est igitur, quod impense sibi gratuletur Autor, Spanhemiorum, Trifanorum, Patinorum æmulus, ex quo illum luci publicæ primitus asserere ei contigit. Exhibet is hinc iconem Augustæ cum inscriptione Θ Ο Τ Ρ. ΤΡΑΝΚΥΑΜΝΑ CEB. *Furia Tranquillina Augusta:* Ex altera parte conspicitur Dea, sinistra citharam aræ impositam pertentans, dextra elevans plectrum, quod, sculptoris Batavi incuria, sagittæ formam induit, adjecta inscriptione: ΕΠΙ. ΑΙΑ. ΑΠΙCΤΟΝΕΙΚΟΥ. ΓΕΡΜΗΝΩΝ. *Sub Elío Aristonico; Germanorum.* Putat autem Sperlingius, *Furiam* istam *Sabiniam Tranquillinam* in ludis publicis Pythiis aut Olympiis tam scite cithara cecinisse, ut facile palmam

reportarit; unde in alio nummo ejusdem Augustæ (quem *Sebast. E-*
vizzo inter Gordiani nummos recenset) duæ coronæ conspiciantur
 in mensa positæ, cum supra scripto : ΠΤΟΙΑ ΟΑΤΜΙΑ. Uti vero
 Nero *Citharædi Apollinis* imagine pingi ac sculpi voluit : ita *Veneris*
Victricis imaginem hoc nummo expressam Tranquillinæ vultus re-
 ferre observat Autor. Potuit nimirum ea, ob formam, VENERIS,
 ob agones citharædicos, VICTRICIS titulum sibi vindicare. Vi-
 detur ei hoc nomine a Germanis seu Germanibus, (incolis oppidi
 cujusdam Hellepontici, *Germe* dicti ac Cyzico vicini) templum
 consecratum fuisse, cujus euram *Ælius Aristonicus* Sacerdos gesserit.
 Dum vero Autor singulas nummi particulas explicat, nullam faci-
 le occasionem prætermittit in antiquitates Græcorum Romano-
 rumque evagandi. Lectu sane jucundæ sunt digressiones de *συγ-*
γρονισμῶ annorum Christi, Urbis conditæ, & Gordiani tertii; de
 galericulis seu capillamentis mulierum sutilibus aut textilibus ac
 de vittis crinalibus; porro de *Flavia Valeria Tranquillina* Gordiani
 senioris Africani post defunctam *Fabiam Orestillam* uxore; de mu-
 tua permutatione & pronuntiatione literarum Græcarum H & I;
 de certaminibus citharædorum ac tibicinum; de urbibus *vevónegis*,
 ac cumprimis de citharæ veteris forma & usu.

TAB. X.
Fig III.

DISSERTATION DE Mr. GRAVEROL SUR
 une Medaille Greque de l'Empereur Trajan.

id est:

Graveroli Advocati civitatis Nemaufensis Disserta-
 tio de Numo Græco æreo Imperatoris Trajani.

Publicata Tomo IV Bibliothecæ Universalis Historicæ, quæ a CLL.
 Duumviris, *Joh. Clerico* & *J. C. de la Crose* Amstelodami
 editur, p. 272. seqq.

Quemadmodum in numo, quem *Sperlingius* commentario illu-
 stravit, Tranquillina Augusta *Venerem* mentitur : ita *Αυτο-*
κροῦτος Τετραῖος Γερμανῖος Δακικῖος (*Imperator Trajanus Germa-*
nicus Dacicus) aversa hujus numi parte sub imagine sistitur *Serapi-*
dis vel *Jovis Ægyptii*, cui Ægyptiorum superstitione, incrementa &
 decre-

decrementa Nili accepta ferebat. *Inopina* nimirum (*Plinii Panegyristæ ad Trajanum* verba sunt) *siccitate usque ad injuriam sterilitatis exaruerat Ægyptus, quia piger Nilus cunctanter alveo sese ac languide extulerat. Inundatione, id est, ubertate regio fraudata sic opem Caesaris invocavit, ut solet annem suum.* Cum igitur Trajanus, frumenti copia facta, extremæ Ægyptiorum necessitati subvenisset, creditu facile est, illos, ut suæ gratitudinis monumentum extaret, numum hunc excudisse, & in *curru triumphali ab Hippopotamorum biga super Nilum tracto*, (quem Numini alias suo tribuebant) collocasse Trajanum, melius eo tempore de se meritum. Monet vero *Graverolus*, hoc Trajani beneficium ante annum quidem Imperii tertium Ægypto obtigisse, at per hunc numum celebratum fuisse L. I. B. hoc est, (ut autor explicat) *λυκάβαυτ @ β*, anno XII. Puerulus ille, qui Nili aquis altior in campo eminens conspicitur, speciem præ se ferre poterat *Genii Nilotici*, qui sua tum temporis fluentia deseruisse videbatur. *Graverolus* tamen probabilius esse censet, puellum illum esse tantum mensuræ illius cubitalis, ad quam incrementa Nili numerari solebant, signum, qualia Nilo passim in nummis juncta deprehenduntur. Eo quippe tempore non uno cubito ascendendum fuisset Nilo, si suetam mensuram attingere terramque fecundam reddere debuisset.

STELLÆ IN CYGNO FIXÆ, ALTERNIS

temporibus visa & invisæ, vicissitudines

Lipsiæ observata a Godofredo Kirchio.

Stellas quasdam fixas, postquam tempore aliquo in cœlo continue luxerunt, paulatim velut oleo deficiente evanescere, eoque denuo affuso reaccendi, rem veteri Astronomiæ incognitam, primus circa famosam illam in collo Ceti stellam, anno seculi hujus 38 & 39, deprehendit *Joannes Phocylides Holvarda*; insectis hucusque temporibus stellæ hujus apocatastases, certa periodo circumscriptas, sic comprobantibus, ut nemini hodie, qui rerum astronomicarum levi modo imbutus sit, notitia, de hac re porro sit dubium. Similes plane recursus insignem Cassiopeæ stellam anno 1572 effulgentem celebrasse, conjecturam præbent, quæ *Cyprianus Leovitijs* (*vid. Ricc. Alm. nov. l. 8. p. 132.*) de nova in

Cassio-

Calliopea stella anno Christi 945 ejusdem pene sedis cum recentiore, & rursus alia anno 1264. ibidem spectata, commemorat; annorum inter observationes has trinas interstitio fere æquali: de cujus tamen conjecturæ veritate, ob phænomenorū priorum observationes non satis certas, ipsiusque revolutionis quantitatem, postera demum ætas judicium est latura. De stella Cygni Hevelio anno 1670 noviter deprehensa, ejusque mutationibus, extant summi hujus astronomi in *Anno suo climacterico* observationes: nec Jansoniana fixæ, in pectore ejusdem sideris anno 1600 detectæ, variationes astrorum consultis hodie sunt incognitæ.

Gemina circa aliam Cygni stellam, *Bayero* quidem jam inunte hoc seculo animadvertam, & in *Uranometria* sua litera χ notatam (sed nec in *Catalogo Fixarum Tychonico & Kepleriano* extantem, nec etiam *Hevelio* ob suam forte tunc temporis absentiam in schemate Cygni, *Transactionibus Anglicanis* n. 65 inserto, consignatam) superiori & hoc anno apud nos observavit Astronomus solertissimus *Godofredus Kirchius*: ex cujus *Ephemeride & Calendario Christiano-Turcico-Judaico*, anni 1688 pauca hæc excerpenda duximus.

Mense Julio anni 1686 *Bayeri* Tabulis indicibus stella hæc diversis vicibus studiosè quidem suo loco quæsita, nunquam tamen comparuit. Interceptis deinde per alios labores observationibus, consultoque demum d. $\frac{2}{9}$ Octobr. cœlo, liberis oculis factis conspicuam se præbuit, & lucidiorem Jansoniana. Ab hoc tempore observata est sensim decrevisse; donec sub Febr. 1687 penitus ex oculis, etiam octopedali tubo armatis, subduceretur. Detecta rursus est, sub exili admodum specie d. $\frac{2}{16}$ Aug. tubo 4 pedum; & hucusque iterum ita excrevit, ut Observatori nostro d. $\frac{23}{2}$ ^{Oct.} _{Nov.} nudis oculis inspecta sit. Promisit autem idem noster *Kirchius* observationes complures circa alias fixas, mutationibus ejusmodi obnoxias, quas propediem L.B. communicabimus.

ERRATA.

P. 108. l. 1 pro 30 Mart. lege 3 Mart. p. 535. l. 15 pro 1939 lege 1039. p. 539. l. 35, pro XXI l. 1 lege XXVI. p. 543. l. 28 pro hi lege hic. p. 551 l. 16 pro Italico lege Anglico. p. 572. l. 4. lege Almeloveen. p. 578. l. 24 pro Ialis lege Italis. p. 589. l. 8. pro Quam lege Qua.

